

LEFASE LE A ŠWALALANA GAPE

 Amene. Morena a le šegofatše. Le ka dula. Go kwagetše gabotse kudu go tla ka gare bošgong bjo le go le kwa o tumiša Morena, gomme la boela morago gae gape le go bona yo mongwe le yo mongwe. Ke be ke nyaka se ge e sa le Ditebogo tše mafelelo ge ke be ke le fa, go tla morago tabarenekeleng ya ka gape. [Phuthego e re, "Amene."—Mor.] Ga ke tsebe mo a ilego. A šo godimo mo. Ke no makala ge eba o be a sa ya go re "amene" go seo, le a tseba. [Ngwanešu Moore o re, "Amene."] Ka mehla ke mo gobotse go ba mo. Gomme ke lebeletše pele, bjalo ka ge ke boletše, go tloga go Ditebogo.

² Re sa tšwa go tlogela New York City, moo re bilego le lesolo la go makatša. Morena o re šegofaditše kua ka tsela ye maatla. Gomme re be re le ka Otithoriamong ya Morris, gomme mašaba a tletše ka gare, le godimo le fase mekgotheng. Gomme ba tla ema ntle kua, ba letile. Ge—ge yo motee a etla ka gare, feela moemakgauswi, le a tseba, gomme o tla nagana, gabotse, se sengwe; batho ba bangwe, le a tseba, go ya kerekeng, gomme ka gona selo sa pele, se sengwe se rile, gore ga ba rate, ba tla emeleta le go sepelela ntle. Gomme ba be ba le ntle kua ba bouta, ke mang a bego a tla hwetša setulo selo ge ba etla ka ntle. Gomme ke tla bošego bjo bongwe le bjo bongwe, gomme e nyakile go ba poloko ya toropokgolo, gomme ba tla pakelana godimo le tlase mekgotheng. Gomme Morena o re šegofaditše le go re fa disoulo, le diphodišo tše dintši tše kgolo di diregile.

³ Gomme ka gona difihlolong tša Banna ba Kgwebo, re bile le nako ya go makatša, re rekišitše ntle dithekethe tša bona. Gomme—gomme ka gona ke nagana ba ile ba swanelo go dumelala makgolo ka gare, bao ba bego ba se na le dithekethe. Morago ba tladitše mekgolokgotha, le go dikologa holo le mabati, le go ya pele. Gomme re nno ba le nako ya go makatša. Moprista wa Moepiscopal le se sengwe le se sengwe fao, gomme Morena o re šegofaditše gagolo.

⁴ Gomme ka gona re eme ka gare gae, legae la ka le lengwe, ka Jeffersonville. Nnete, ke a phela bjale ka Tucson, Arizona, bjalo ka ge le tseba, lebaka la mengwaga ye mebedi ya go feta.

⁵ Gomme bjale ke tseleng go ya Tucson bjale, bakeng sa difihlolo tša Banna ba Kgwebo beke ye e latelago ka Phoenix. Moo, thwi ka pela morago ga la pele la ngwaga, re thoma lesolo fale, matšatši a se makae pele ga Boditšhaba bja Banna ba Kgwebo, ke a dumela, goba khonferense ya bosetšhaba ka—ka Ramada Inn.

⁶ Gomme go botse kudu go ba mo ka—ka toropongkgolo ye kaone ye ya Shreveport, bošgong bjo.

⁷ Bjale, ka mehla ke bolela nako ye telele. Eupša ke ya go leka bokaonekaone bja ka go e swara fase, diiri tše tharo goba tše nne, go le bjalo, go ye le go nako ye. Gomme ke a tseba ke no le lapiša, eupša, le a bona, ga ke hwetše go le bona kgafetša. Gomme bontši bo ya Gae pele ke . . . ba ya Gae Letagong pele ke hwetše go le bona gape, gomme ke a nagana, “Gabotse, ye e tla ba poledišano ya rena ya mafelelo ya lefase mmogo pele le tsea mofofo wa lena.” Gomme ba bantši ba ile, ntle le pelaelo, ge e sa le nako ye ngwaga wa go feta. Gomme ka kgonagalo, ge Morena a diega, gomme re tla go bowa gape ngwaga wo o latelago goba nako ye nngwe, e tla ba ba bangwe gape, mo bošegong bjo, mohlomongwe nnamong. Ga re tsebe ke nako mang re swanetšego go bitšwa. Gomme, le a tseba, Morena Jesu ebile a ka tla pele ditirelo tše di tswalelwā bošegong bjo.

⁸ Bjale, bjalo ka ge le ntseba, ga se nna seboledihlahlwā, ga ke seboledi. Ke—ke no rata Morena le go dira se nka kgonago bakeng sa letago la Gagwe. Gomme ge ke eme fa mo sefaleng se, go tsebeng monna yola boka Ngwanešu Moore le banna ba bantši ba bagolo ba eme ka go sefala se, go ntira ke ikweli mokgwa wa—mokgwa wa . . . e sego go tšwa lefelong, ga ke re seo. Eupša, ke ra gore, popopolelo ya ka le dilo, ke ikwela o ka re, ge batho ba se ba nthata gabotse ka kgonthe, ba tla emelela le go sepelela ntle ge ke tsena ka phuluphthing. Kafao ba no nkgotlelela, gomme ke leboga ka yona. Bjale . . .

⁹ Eupša ka mehla ke tla ka a—ka maikemišetšo a. Ga ke tle mo go no tla go bonwa; ge nkabe ke dirile, ke be ke tla ya ntlong ya gago bakeng sa ketelo, le a bona. Ke tla mo go direla Morena Jesu Kriste bokaonekaone kudu, ge ke sa le mo. Ga ke mo bakeng sa morero wo mongwe eupša go Mo direla, le bokaonekaone bjo ke tsebago bjang, le go tliša go lena Lentšu feela bjalo ka ge Le filwe go nna, go rapelela balwetši ba lena le batlaišwa. Bjale, re tla ba le bošego, goba a mabedi, Ngwanešu Moore le nna re tla tla mmogo, gore re ya go rapelela balwetši.

¹⁰ Gona, bošego bjo bongwe le bjo bongwe, re nyaka motho yo mongwe le yo mongwe yoo a sego Mokriste, ke a holofela se sengwe se tla bolelwā goba go dirwa, gore o tla ba Mokriste. Gomme ge o se, ge o šetše o dumetše go Morena Jesu Kriste, le go Mo amogela le go kolobetšwa, gomme ga se wa amogela Moya wo Mokgethwa gabjale, o se dumelele se go feta. E no tlogela bjo e be bošego bja lena. Gobane, elelwang, go tla no ba maina a mantši bjalo ka Pukung yela. Gomme ge leina la mafelelo le okeditšwe, ke sohle sa lona. Gomme la gago le ka no E feleletša.

¹¹ Ge Kwana e etla gomme ya tsea Puku go tšwa seatleng se setona sa Yena yoo a dutšego godimo ga Terone, yeo e be e le Puku ya Topollo. Gomme maina ao a beilwe ka kua pele ga motheo wa lefase. Ge leina lela la mafelelo le biditšwe, Puku, peakanyo, se sengwe le se sengwe gape se utolotšwe nako yeo, Mahuto a

Šupago a butšwe ke Kwana. Diphiri tša Beibele ka moka di be di utilwe ka Kua. Ge nkabe re na le nako, ke rata go . . .

¹² Ke sa tšwa go fetša ka Mahuto a Šupa ale, feela kgauswana. Ke nyaka go ya go a kgabola gape. Gomme feela ka fao Morena a re šegofaditšego! Bontši bja lena le kwele ka yona, gomme le badile ka go kgatišobaka ya *Life*, le dilo, dilo tše di diregilego lebakeng la nako yeo. Ge, ba tšere seswantšho, ebile, sa Barongwa ba šupago, bjalo ka ge go boleletšwepele bjalo ka ge re ile Bodikela. Gomme O mpoditše, dikgwedi tše tharo pele, moo e tla bago le ka fao ke tla bego ke eme fale, gomme e be e le gona! Gomme di—le dikhamera, oo, lebaka la makgolo a dimaele, ba swere seswantšho sa Yona thwi fao, feela tlwa. E boleletšwepele tlwa! Gomme ge eba nkile ka rera e ka ba eng yeo e šušumeditšwego, bophelong bja ka, ke *Mahuto a Šupago*. Gomme kafao ke a tseba re mo nakong ya bofelo.

¹³ Gomme leina la mafelelo le ya go Puku yela, goba, leina la mafelelo leo le lopolotšwego, leo le beilwego go Puku yela, seo se a e ruma, O tla go tleleima se A se lopolotšego. Gomme e ka no ba nako ya go tlaba. A le kile la nagana: batho ba tla ya thwi pele ba rera, kereke e tla ya pele thwi ebile ba nagana ba dira batho go phološwa. Go thari kudu nako yeo, go fedile gohle, le a bona, gomme Molaetša o tla ya go balahlegi ka go felela; go no swana le ge e dirile ka matšatšing a Noage, matšatši a šupa ka arekeng. E dirile ka matšatšing a Sodoma. Jesu ka Boyena, legato la boraro la Gagwe—la Gagwe la bodiredi bja Gagwe, O ile le go rerela disoulo tše di bego di lahlegile ka Gosafelego, bao ba bego ba le ka kgolegong, bao ba sa sokologago, go pelofaleng mo matšatšing a Noage. Gomme ga re tsebe ke nako mang dilo tše di ka diregago.

¹⁴ Gomme a re sebotšweng. O se ke wa no ema go dikologa, a re direng se sengwe ka yona. Ge re se ra loka le Modimo, a re beng thwi le Modimo.

¹⁵ Nako ye nngwe, ke a nagana, ka go tema ya 11 ya Mateo, ke a dumela ke yona, e ka ba temana ya 6, goba se sengwe, ga ke na le nnete ya seo. Ke tema ya 11, ke na le nnete gabotse. Barutiwa ba Johane ba romilwe ke Johane, nako ye nngwe, go bona Morena Jesu, go Mmotšiša ge eba ka kgonthe O be a le Yena, goba ba swanetše go lebelela yo mongwe. O rile, “Eyang le bontšhe Johane dilo tše di diregago. Mmotšeng, ‘Wa lehlogonolo ke yo a sa kgopšego ka Nna.’”

¹⁶ Gomme ka gona ge ba kgabagantše thaba, gomme Jesu mohlomongwe o ba šeditše, O rile, “Le tšwetše ntle go bona eng?” Gomme ba . . . O rile, “A le ile go bona mohuta tsoko wa monna a apere diaparo tše kaone?” O rile, “Ba ka dipaleising tše dikgoši. Gomme lehlaka le le šikinywago ke phefo?” O rile, “A le ile go bona moprofeta?” O rile, “Ke re go lena, le bontši go feta moprofeta. Ge le ka kgona go e amogela, yo ke yena moprofeta

go boletšwego ka yena, Maleaki 3, ‘Gomme Ke tla roma motseta wa Ka pele ga sefahlego sa Ka.’”

¹⁷ Barutiwa ba botšišitše nako ye nngwe ka ga potšišo ye. Ba rile, “Gobaneng bamangwalo ba re, barutiši ba Lengwalo, gore, ‘Eliase o swanetše go tla pele ga tše, ka moka dilo tše di direga?’” Bjale elelwang, O be a bolela le barutiwa, e sego le Bafarisei. Barutiwa, ba rile, “Gobaneng bamangwalo ba bolela gore, ‘Eliase o swanetše go tla pele?’”

¹⁸ O rile, “Eliase o šetše a tlile, gomme ba dirile go yena se ba se ngwadilego, gomme ga se le e tsebe.”

¹⁹ Go ka reng ge letšatši le lengwe o tla hwetša, re tla betha sekgao sa tlaišego goba se sengwe, o re, “Gabotse, ke naganne Tlhatlogo e be e tla tla pele”? Le a bona? Gomme segalontšu se tla bolela morago le go le botša, “Tlhatlogo e šetše, gomme ga se la ke la e tseba.”

²⁰ “Bjalo ka ge go bile matšatšing a Noage, fao disoulo tše seswai di phološitšwego ke meetse, go tla ba bjalo ka go Tleng ga Morwa wa motho.” Batho ba ya thwi pele, ba no nagana ba no dira selo sa maleba, gomme gohle go tla be go fedile. O Modimo, eba le kgaogelo go renal! A re, a re hlodišišeng, thwi bjale ka go mašego a se makae a a latelago, re bone mo re lego.

A re inamišeng dihlogo tša rena gape.

²¹ Morena Jesu, ka dilo tše ka monaganong, le go neelwa go kereke ye, e neetšwego batho ba; Modimo, ke a rapela gore O tla phološa soulo ye nngwe le ye nngwe ka Shreveport, nako ye, yeo e ngwadilwego ka go Puku yela. Ge go na le ba bangwe mo ba sego ba phološwa, Tate, a nke ye e be iri ye ba phološwago. Ge go na le yo a itšego ka phuthegong ye, bosegong bjo, a nke bjo e be bošego bja bona.

²² Šegofatša Ngwanešu Moore, Kgaetšedi Moore, le lapa la bona, bana ba bona, bana ba bana ba bona. Modimo, re no Go leboga bakeng sa bona. Gomme Ngwanešu Lyle, Ngwanešu Brown le bohole ba—ba baena mo kerekeng, Ngwanešu Don, le sehlopha se sekaone se sa batho, maloko ohle fa, maloko, re no Go leboga bakeng sa bona.

²³ Gomme re a rapela, Tate wa Magodimong, gore kopano ya rena mmogo fa ka go Ditebogo... E ka no ba go fa Ditebogo ga mafelelo re tla tsogego ra kopana mmogo lefaseng le, kafao, Modimo, a re gabe le go boloka nako. Gomme re a lemoga gore go—go ba thari, gomme re nyaka se sengwe le se sengwe seo re ka kgonago go se dira, seo se lego maatleng a rena, go dira mošomo o direlwé Morena Jesu pele A etla. Ka mokgwa wo mongwe, ke mohuta wa go ikwela gore O re letile go—go fetša mošomo. Kafao, re thuše, Morena, bosegong bjo, bjalo ka motho ka motho, yo mongwe le yo mongwe wa rena, gore re ke re tshwenyege kudu ka ba bangwe, gore re ya ntle ka mekgotheng, goba ka go boagišaneng, le—le go tliša batimedi ka gare, gore ba phološwe.

²⁴ Šegofatša Lentšu la Gago. Lentšu la Gago ke Therešo, Morena, Therešo yohle. Kafao re a rapela, gore ge re leka go phegelela go ngwatha Borotho bjo bja Bophelo, Therešo, go batho, gore Moya wo Mokgethwa o tla tla, ka baka la mmele wola wa go ngwathwa kua Khalibari moo sebe se ilego sa swanelo go o roba, gomme o tla ikaroganya Yenamong magareng ga rena gape, ka kopanelong go dikologa Lentšu. Ka gore re e kgopela ka Leina la Jesu. Amene.

²⁵ Bjale, ge le ka rata, ke nyaka le phetle le nna. Bontši bja lena le rata mohuta wa go boloka ma—ma Mangwalo moo modiredi a balago, goba moebangedi. Gomme ke nyaka go bala a mangwe, bosegong bjo, go tšwa go Doiteronomio, tema ya 4, go thoma ka temana ya 7 go fihla go ya 14. Le Puku ya Bahebere, tema ya 14, temana ya 25 go kgabola ya 29, go akaretša. Doiteronomio 4.

Ka gobane ke setšaba sefe se lego fale se segolo kudu, se se a nago le Modimo kgauswi le bona bjalo, bjalo ka ge MORENA Modimo wa rena a le ka go dilo tšohle tše re di bitšago bakeng sa gagwe?

Gomme ke setšaba sefe se lego gona bogolo kudu, seo se nago le ditaelo le dikahlolo tša go loka kudu boka molao wohle wo, wo Ke o beago pele ga lena letšatšing le?

Feeela ela šedi go wenamong, gomme o boloke soulo ya gago ka tlhokomelo, gore o se lebale dilo tše mahlo a gago a di bonego, gomme gore di se tlogue pelong ya gago matšatši ohle a bophelo bja gago: eupša di rute barwa ba gago, le barwa ba barwa ba gago;

Gagolo letšatši le o emego pele ga MORENA Modimo wa gago ka—ka Horebe, ge MORENA a rile go nna, Botha batho mmogo, gomme Ke tla ba dira ba kwe mantšu a ka, gore ba tla ithuta go mpoifa matšatši ohle ao ba tla phelago godimo ga lefase, le gore ba ke ba rute bana ba bona.

Gomme le tlide kgauswi gomme la ema ka tlase ga thaba; gomme thaba ya tšhungwa ka mollo go ya bogareng bja legodimo, le leswiswi, le maru, le bokoto, le leswiswi.

Gomme MORENA o boletše le lena go tšwa bogareng bja mollo: le kwele segalontšu sa Gagwe sa mantšu, eupša ga se la bona sebopego; ke feela le kwele se segalontšu.

Gomme o le tsebišitše kgwerano ya gagwe, ye a le laetsego go e dira, yona melao ye lesome; gomme o e ngwadile godimo ga dipapetla tše pedi tša letlapa.

Gomme MORENA o ntaetše ka nako yeo go le ruta ditaelo le dikahlolo, gore le ke le di dire ka nageng moo le yago godimo go e thopa.

²⁶ Gomme bjale ka go Puku ya Bahebere, tema ya 14, go thoma ka temana ya 25.

Bonang gore lena ga le gane yena yoo a boletšego. Gobane ge ba sa phonyokga bale ba mo gannego yoo a boletšego mo lefaseng, ke bontši kudu rena re ka se phonyokgego, ge re retologa go tloga go yena yo a bolelago go tšwa legodimong:

Yo segalontšu sa gagwe nako yeo se šikintšego lefase: eupša bjale o tshepišitše, a re, Efela gatee gape Ke tla, ga Ke šikinye lefase le nnoši, eupša le legodimo gape.

Gomme lentšu le, Efela gatee . . . le bontšha go tlošwa ga . . . dilo tše di šikinywago, bjalo ka dilo tše di dirilwego, gore dilo tšela tše di ka se šikinywego di šale. Fale . . .

Kagona re amogela mmušo wo o ka se šuthišwego, a re beng le mogau, woo ka wona re ka direlago Modimo go amogelega ka tlhomphokgolo le poifo ya bomodimo:

Ka gore Modimo wa rena ke mollo wo o jago.

²⁷ Bjale ke na le dinoutse di se kae mo, gomme Mangwalo a mangwe a ngwadilwe fase, ao ke nyakago go šupa go wona metsotso e se mekae, ge nka thaetlele ye thaetlele ye nnyane ya go se tlwaelege. Gomme ditheipi tše di komana nako efe kapa efe mang a ka di nyakago. Mna. Maguire mo o tla kgona go—go go fana ka dilo tše. Gomme ke nyaka go tšeа sehlogo, go tšwa go sehlogo sa thuto ye, a ke re, ka mokgwa wo, *Lefase Le A Swalalana Gape*.

²⁸ Re be re etla tlase maabane, goba mantšiboa a go feta, ka Memphis, Tennessee, re tsene ka fale mohuta wa thari mo morago ga sekgalela, goba karolo ya mantšiboa. Gomme re be re sa kgone le go ya go kgabola mekgotha, ba—ba bana le batho ba be ba pitlagane kudu. Gomme ka gopola, “A se se ka ba eng?” Ba—ba batho ba be ba se ba apara boka ba be ba le kopanong ya bodumedi boka mohlomongwe ngwanešu wa rena wa go loka, Billy Graham goba Oral Roberts. Gomme ga se ke nagane ba be ba le ka go selete sela mo nakong yela, golebjalo. Gomme basadi ba be ba apere dileka, le bana ba bannyane go ba dikologa, ba be ba no ba le dioborolo godimo, le go ya pele, dioborolo. Gomme ke maketše e be e le eng, gomme mafelelong re hweditše. Ba bile le pha—pha phareiti ya Santa Claus. Go bile le dikete tše dintši ba be ba e bogetše mo mekgotheng, le go ya pele. Gomme re nno ba le nako ye mpe go kgabola Memphis, gobane go etla nako ya Krisemose.

²⁹ Gomme Krisemose ke letšatši le legolo kudu la kgwebo, go fihla e tlošitše go fa Ditebogo gabotse kgauswi le seswantšho, ka gobane . . . ka go—ka go lefase la kgwebo, go le bjalo; ka lebaka la gore le—le lefase la tša kgwebo le hueditšwe kudukudu gagolo ke Krisemose, gobane go ne batho ba bantši kudu ba ba rekago.

Gomme ba no... Ditebogo di no ba gannyane go feta. Gomme re hwetša, ge re bona Krisemose e batamela gape, ke naganne e tla ba selo se sebotse go bolela ka thuto ye, ge re e batamela. Go boneng yeo, ka kgonthe, Krisemose ga se...

³⁰ Re keteka letšatši le la 25 Desemere bakeng sa letšatši la matswalo a Kriste, eupša, nnete, mang kapa mang o a tseba gore e be e se letšatši la matswalo a Kriste. Leo e be e le letšatši la matswalo a modimo wa letšatši, gore ge kereke e fetotšwe go ya ka go lona, goba, e tlišwa ka go Bokatoliki, e bopilwe ka go khansele ka Nicaea. Sebakeng sa yona go beng la “modimo wa letšatši,” ba e dirile la “Morwa wa Modimo” letšatši la matswalo. Moo e bile ge, letšatši, ke go tloga go la 20 go fihla... ke ra la 21 go fihla la 25, ke mohuta wa go ba ka go ya yona... Ke lebala leina le le bitšago, ka tshwanelo. Ke ge e sa le nako ya bobedi goba tše pedi ge e feta go kgabola legato lela. Gomme e be e le letšatši la matswalo a modimo wa letšatši, gomme ba nno tšeа “Morwa wa Modimo” gomme ba dira lela letšatši la matswalo la Gagwe, go le hlokanya ka motlwae wa bona wa bohetene. Gomme ga se mokgwa, le gannyane, e lego letšatši la matswalo la Kriste.

³¹ O be a ka se tswalwe ka nako yela, gobane Judea e nyakile go swana go—go... godimo go ekhweita, bjalo ka ge ye e le, gomme re—re hwetša gore, ka Judea, ka go nako ya marega, la 25 Desemere, go a kapoka le go tonya. Badiši ba ka se kgone go ba godimo ga thaba, le mabaka a mantši mo e bego e ka se kgone go ba.

³² Gomme ka gona O tswetšwe wa tlhago, go swana le tlhago ye nngwe yohle, O—O tlide pele ka Seruthwane. Ka mehla ge dikwana di tswalwa, ka Seruthwane; gomme O be a le Kwana. Bjale, ke a dumela, O tswetšwe, kabonna, Matšhe, Aporele, goba felotsoko go bapela ka kua, ka Seruthwane sa pelepele.

³³ Eupša re hwetša gore ba dirile letšatši la go rekiša ka lona. Batho ba kgobokane mo mekgotheng, le go fogohla magetla, le go ngangana godimo ga dilo, le go makala ka go fa yo mongwe mpho, ba tla e lefelela bokae.

³⁴ Letšatši le lengwe, ke be ke maketše. Ka lefelong le ke bego ke eme, gomme bahumagadi ba babedi ba be ba bolela ka go fa tatagobona letšatši la matswalo... goba mpho ya Krisemose bakeng sa ngwaga wo. Gomme yo mongwe wa bona o rile, “Ke mo hweeditše kotara ya wisiki.” Gomme yo mongwe o rile, “Ke mo swaretše phakete, goba khathuni ya disekerete,” goba se sengwe boka seo. Gomme ba be ba bolela, yo motee o file bokaalo bjalo go wisiki go feta ka mo ba dirilego disekerete.

³⁵ Gomme ke naganne, “Ge yeo e se tsela ya go fa m—m... go tšhentšhana goba go fa mpho go gopola Jesu Kriste, Morwa wa Modimo!” A selo sa go hwetša lehu e lego sona!

³⁶ Gomme ke bona lefase la rena ka go manyami a mabjalo bjalo ka ge le le bjale, le tšhilafaditšwe go tšwa lehlakoreng le lengwe le le lengwe, ga go tsela ka lefaseng gore le ka tsoge la tla morago go lonamong gape. Bokaone re hlokomele, se re se dirago ka matšatšing a. Gobane re ne, feela bjale go bokolela, ga ye nngwe ya dipšešamare, le—le ye nngwe ya tše kgolo . . . Ga se nke ra tsoge ra nagana gore selo seo se tla direga ka Amerika, eupša se mo go le bjalo. Gomme go hlephiša ga rena go Ebangedi, go fetogile go lewa ke seboko ka dilo tša go swana le tše, gomme go tla befa. Ga go pelaelo le gannyane, ka monaganong wa ka, eupša se se tla no tšwelagopele go befa.

³⁷ Eupša re hwetša, ka go Krisemose ye, go ya tlase go thuto, gore Krisemose ye e hwetša lefase feela go nyakile go swana le ge e dirile mengwaga ye dikete tše pedi ya go feta, ge Jesu a tlide. Ga se ya fetoga kudu go tloga nako yeo. Gobane, ye, Krisemose yela e hreditše lefase le šwalalana, gomme le be le lebeletše Mesia go thuša go le swara mmogo. Gomme—gomme yeo e ka ba tsela ye go lego lehono, re dira selo sa go swana. *Lefase Le A Šwalalana Gape.*

³⁸ Bjale, seo ga se feela ka Amerika fa, eupša seo se gohlegohle lefaseng, e ka ba kae le yago; lefase la bodumedi, lefase la dipolitiki, se sengwe le se sengwe, le—le lefase la maitshwaro. Le—le, fao go no se be bontši bja lona, e no ba . . . Maitshwaro a no ba magareng ga batho ba go loka, gape, gomme seo se thata kudu go hwetšwa. Ke—ke dihlong. Gomme dipolitiki le se sengwe le se sengwe di senyegile, go fihla selo ka moka se babja le dintho tša go bola, go tloga hlogong go ya maotong, lefase ka moka. Tshepedišo ya rena ya sepolitiki, tshepedišo ya rena ya bodumedi, tshepedišo ya rena ya maitshwaro, se sengwe le se sengwe re nago naso, se ile! Feelas, ga go tsela ya go le boloka mmogo. Le, le fedile! Mo . . . Re bofelong bja tsela. Ke sohle se lego go lona.

³⁹ Re, ke a tseba re boletše ka yona nako ye telele, eupša le lengwe la matšatši a e ya go be e fetile go bolela ka yona, e ya go ba selo sa histori, gomme re tla ikhwetša ka borena ka ntłe ge re sa hlokomele nako ye.

⁴⁰ Ke a makala, ge eba rena Krisemose ye, ge Modimo a ka Mo romaa gape boka A dirile morago kua mengwaga ye dikete tše pedi ya go feta, ge A ka Mo romela go rena ka 1964, ke makala ge eba re ka se Mo dire bjalo ka ge ba dirile nako yela? Ke no makala ge eba go Tla ga Gagwe go tla ba gape gape, O tla amogelwa gape gape, ka go—ka go—ka go lefase la dipolitiki goba ka go lefase la bodumedi, go feta A bile nako yela? Ke no makala ge eba re ka go sebopego e ka ba sefe gape go Mo amogela, boka A bile nako yela? Eupša re a tseba O gannwe nako yeo.

⁴¹ Re tla dira eng go Yena ge A etla? Mohlomongwe lefase la bodumedi, le ke thekgilego se godimo ga lona, le tla dira go Yena

bjalo ka ge le dirile nako ye nngwe. Ba tla Mmapola ge ba ka kgona, (ga se ba fetoga), bakeng sa lebaka la go swana leo ba dirilego nako ye nngwe.

⁴² Gobaneng ba e dirile, a ba bapotše yena yo Motee yo ba bego ba mo rapela go tla lefaseng, go ba phološa, go ba ntšha ka tlhakahlakanong? Ba bapotše kholofelo e nnoši ye ba bilego le yona. Gobaneng? Gobaneng ba e dirile? Gobane, ge Modimo a arabile thapelo ya bona, O e arabile ka tsela yeo ba sa letelago go arabja. Ge A etla, ga se nke A tla ka tatso ya thutamodimo ya bona.

⁴³ Gomme ge A etla gape, lehono, O tla tla ka tsela ya go swana; go tšwa go tatso ya lefase goba thutamodimo ya dikereke, le tsela ye ba tla naganago ka Yena. Ka mehla o a tla. Bjalo ka batho ba Modimo, ge ba tsena bothateng, gomme ba rapela, gona Modimo o ba fa se ba se rapelelagoo, eupša O e fa ka tsela ye e ba loketšego. Gomme ba Le ganne, ka gore ga Le tle ka tsela ye ba naganago gore Le swanetše go be le ttile. Ba ganne Lentšu la Modimo le le tloditšwego, gomme Yena ke Lentšu.

⁴⁴ Bjale, Modimo, ka go mabaka ohle, dinakong tšohle, ge A thoma, “Ge A boletše Lentšu la Gagwe dinakong tša kgale ka baprofeta, mo matšatsing a mafelelo ka Jesu Kriste, Morwa wa Gagwe,” re hwetša gore se sengwe le se sengwe sa diprofeto tšeо e be e swanetše go swanelaa lebaka le le itšego. Boka Kgoši Nebukadinetsara ge a bile le toro ye, le lefase la Bantle go tloga hlogong go ya maotong, gomme Daniele o file tlhathollo ya toro ye; seo e be e le se—se seprofeto go lefase ka moka, go ya go ile, karolo ye nngwe le ye nngwe ya Mmušo wa Bantle, bjalo ka ge e tla tla go tloga hlogong go ya maotong. Gomme baprofeta ka mehla ba boletše Mantšu ao a swanetšego go direga go bapa lebaka le lengwe le le lengwe. Gomme ge Modimo . . .

⁴⁵ Batho ba tsena bothateng, gomme Modimo o a ba araba. O ba romela moprofeta yo a tloditšwego goba mohuta tsoko wa motseta, gobane A ka se kgone go ya morago go Lentšu la Gagwe leo A le filego bakeng sa lebaka lela. Eupša, se A se dirago, O romela motseta go dira karolo yela ya Lentšu go phela go lebaka lela. Ka mehla o a e dira, le a bona. O bopile Lentšu la Gagwe mathomong. O tsebile mafelelo go tloga mathomong. O boletše Lentšu la Gagwe. Gomme lebaka le lengwe le le lengwe, ge ba tsena bothateng, ba tla . . . ba tla rapela, gomme Modimo o tla romela motlotšwa. Gomme motlotšwa yola ka go felela o tla dira tshepišo yela ya lebaka leo, yeo e boleletšwegopele go lebaka lela, go phela. Gomme seo ke se A se dirago nako yohle. Modimo ga a tsoge a fetola lenaneo la Gagwe. Bjale, ga re tsoge ra hwetša Modimo a fetoga.

⁴⁶ Modimo o e lokišitše nako ye nngwe, ka fao A tla phološago motho, yeo e bilego ka serapeng sa Edene, ka tlase ga madi a a tšholotšwego. Re lekile tshepedišo ye nngwe le ye nngwe

gape, go tšwa go matlakala a mogo go ya go thuto, saekolotši, dikerekemaina tša ditshepedišo, le go ya pele, gomme nthatana ye nngwe le ye nngwe ya yona e—e gannwe; gomme ga se nke ya ke ya šoma, e ka se tsoge ya šoma. Modimo o tla kopana feela le motho ka tlase ga Madi a a tšholotšwego, gomme leo ke lefelo le nnoši leo A tla tsogego a kopana le yena, ka gore seo e be e le sephetho sa Gagwe sa mathomo. A ka se tsoge a kopana le motho ka tlase ga mohuta ofe wa tshepedišo ya maitshwaro. A ka se tsoge, ga go tsela lefaseng! E no tla thwi morago go Tsela ya Modimo, seo ke se A se boletšego pele. Gomme ga A ne magomo, ga a kgone go fetoga, gomme ka mehla O a swana. Ke moo A kopanago le motho, gomme fao feela. Ke ka lebaka leo re šitwago go ba le kopanelo lehono, ke ka baka leo kereke e aroganego bjalo, ka gobane yo mongwe le yo mongwe o arogane tshepedišong, gomme, ge ba dira seo, gona Modimo o a ba gana, thwi fale. O re nyaka re kopana ka tlase ga Madi, moo re nago dilo tšohle go swana, tlase hleng le Sefapano. Morero o nnoši wa Modimo go e dira! Modimo ka mehla o romela Lentšu la Gagwe.

⁴⁷ Gomme re a hwetša, lehono, gore lefase lehono le no swana le ka fao le bego le le ka gona letšatši lela; le ikhwetša lonamong, tshepedišo ya lona ya sepolitiki, le go ya pele, yohle e šwalalana, gomme le lebeletše mesia yoo a tla le swarago mmogo.

⁴⁸ Bjale, lentšu *mesia* le ra “yo a tloditšwego,” se sengwe se tloditšwe. Modimo! Ye ke kutollo ya Jesu Kriste, Puku ka moka e be e tswaletšwe ka Mahuto a Šupago a kutollo ya Jesu Kriste. Jesu Kriste o be a le ka go Genesi; Jesu Kriste o be a le bogareng bja Puku. Jesu Kriste o be a le ka go—ka go Ekisodo le Genesi, gomme O be a le bogareng bja Puku gomme O be a le ka go te—te Testamente ye Mpsha, le ka go Kutollo le thwi go ya pele bofelong, “wa go swana maabane, lehono, le go ya go ile.” Yohle ke Modimo!

⁴⁹ “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga renā.”

⁵⁰ “Modimo dinakong tša kgale le ka mekgwa ya go fapano o boletše le botate ka baprofeta.” Ge Lentšu la Morena le tlide go baprofeta, gomme bona ba nnoši, gobane ba be ba tloditšwe ka Lentšu, ba bile le tokelo go hlatholla Lentšu. Gomme Modimo o šomile ka bona, a netefatša gore Lentšu le be le nepile. “Ge Nna... go na le yo mongwe magareng ga lena yo a lego wa semoya, goba moprofeta, Nna Morena ke tla itsebiša Nnamong go yena. Gomme ge se a se bolelagos se etla go phethega, gona mo kweng. Ge se sa phethagale, le se mo kwe.” Seo ga se bontši go feta go fa mabaka mo gobotse, go monna e ka ba mang.

⁵¹ Bjale re ikhwetša renabeng fa, mo matšatšing a mafelelo bjale, ge re lebeletše go Tla ga Morena gape.

⁵² Gabotse elelwang moreri wa kgale wa Baptist yoo a nkolobeditšego ka go Leina la Jesu Kriste, ge ke be ke sa no ba mošemane yo monnyane. Gomme o be a tlwaetše go ahlaahla thuto ye le nna, ka ga Johane Mokolobetši. O rile, “Ngwanešu Billy,” o rile, “ge John... Ge A rile, ‘Lesa go be bjalo,’ gomme morago o Mo dumelatše.” O rile, “Gona Johane, o kolobeditše... Jesu o kolobeditše Johane, gobane re a tseba Johane ga se nke a ke a kolobetšwa, gomme efela o be a rera kolobetšo.” Gabotse, seo ka mehla se mokgwa wa go mmakatša, gannyane.

⁵³ Ka gona mo e sego telele go fetile, se utolotšwe go nna, ka tsela ye, gore fao go kopane ka mogobeng wola, ka moleteng wola wa meetse, batseta ba babedi ba bagologolo lefase le kilego la ba bona: mo—mo monna yo a bego a le ka godimo ga baprofeta bohole, e bego e le Johane, “fao ga se gwa ke gwa tsoge gwa ba motho wa go tswalwa ke mosadi, yo mogolo bjalo ka yena”; gomme fao go be go le Modimo, ka Boyena, a bonagaditšwe ka mmeleng wa nama. Gomme elelwang, gomme Beibele e re botša gore, “Lentšu la Morena le tla go moprofeta.” Gomme ge Lentšu le dirilwe nama; mo go eme moprofeta ka meetseng. Gomme Lentšu le moprofeta ba tlie mmogo, ba tsebane seng! Nnete. Lentšu ka Bolona, le dirilwe nama, Morwa wa Modimo a apere nama, le tlie go moprofeta, ka meetseng.

⁵⁴ Moprofeta o rile, “Ke hloka go kolobetšwa ke Wena, gomme gobaneng O etla go nna?”

⁵⁵ O rile, “Lesa go be bjalo, ka gobane go re swanetše gore re phethagatše toko yohle.”

⁵⁶ Hlokamelang! Johane, ka go ba moprofeta, o tsebile gore O be a le Sehlabelo. Gomme sehlabelo se swanetše go hlatswiwa pele se neelwa go ba sehlabelo. Gomme ke ka lebaka leo A ilego a swanela go kolobetšwa.

⁵⁷ Oo, lehono, go re swanetše, gore re phethagatše toko yohle ya letšatši la rena. Iri e fa. Beibele e re botša se se tla diregago ka letšatšing le. Re tseba se Beibele e rego se tla direga ka go letšatši le. Go tšwa go rena go swarelela go Modimo go fihla dilo tše di direga. Ke iri! Rapedišang yo a tloditšwego yoo a tla re fago tlhakodišo yeo re e lebeletšego, gobane Modimo o e tshepišitše.

⁵⁸ Ba ganne Lentšu la Modimo le le tloditšwego nako yela, gomme kafao le a wa, le šwalalane. Gomme gape re hwetša, ka nako ye, gape le a šwalalana gape. Ke hwetša, bjalo ka ge ke boletše, dipolitiki tša rena di senyegile, bophelo bja rena bja kereke bo senyegile. Go diregile eng? Sese se e dirilego; ge o tloga go, nako ye nngwe le ye nngwe, kgole go tloga go lenaneo la Modimo, o tla hwetša tshenyego. Le ka se kgone go ema. Lentšu la Modimo ga le palelwe, gomme ga go selo gape se tla tšeago lefelo la Lona, se ka se tsoge se kgonne.

⁵⁹ Tshepedišo ya rena ya thuto, tshepedišo ya dikerekemaina tša rena, e tšere lefelo la Moya wo Mokgethwa go etaapele

ka kerekeng. Go katišwa ga rena go gogolo go go kaone ga badiredi le dilo di tšere lefelo la—la dikopano tša thapeло tša bošego bjohle, le tsela ya nako ya kgale re bego re tlwaetše go fihla go Modimo. Bjale, go na le gore re be le bareri, re na le bafahloši, banna ba tsebago Lentšu feela gabotse bjalo, ba ka dula fale gomme ba Le bea mmogo ka tsela yeo go tlabago ka fao ba kgonago go e dira. Ba tseba dikgerekere, eupša tšeо ga se Maatlatshepedišo. Re nyaka Maatlatshepedišo. Ga ke tshwenyege ka dikgerekere; ke nyaka go tseba Maatlatshepedišo. E dira eng?

⁶⁰ Ga ke tsebe ka fao koloi yela e kitimago ntle fale. E na le dipistone le disilintere, gomme ga ke tsebe e šomiša kgatelelo e ntši gakaakang. Selo se nnoši ke se tsebago ke maatlatshepedišo, go mmea ntle kua le go e otleta.

⁶¹ Seo ke se re se tsebago, Modimo o dirile tshepišo, “Ke tla tšhollela ntle Moya wa Ka godimo ga nama yohle, barwa le barwedi ba lena ba tla profeta.” O ya go e dira bjang? Nka se kgone go le botša. Ke no nyaka go tseba Maatlatshepedišo a tshepedišo ya Modimo. Seo ke kgwekgwe ya selo.

⁶² Lehono re ithutile dikgerekere go fihla yohle e le ya dikgerekere. Sefatanaga se holang ntle le se sengwe ka go sona go se otleta? Dietša di hola eng ge—ge... goba didirišwa, ge go se na moela wa mohlagasse go ya ka go yona? Le a bona, re na le dikgerekere tšohle, re na le dikolo le barutiši, le go ya pele, bao ba kgonago go katiša monna, go fihla a kgona go ema ka phuluphithing ka mekgwa ye mebjalo go fihla a le motho wa go elela ka polelo. Seo le ge go le bjalo ga se tliše Maatla a Modimo. A kae Maatla a Modimo ao a bego a fela a eba kerekeng? Tšhegofatšo yela ya pentecostal e kae ye e bego e tlwaetše go ela ka dikereke? Ke ka baka leo lefase la rena le šwalalanago, gobane re tlogile go ya kgole go dikokwane tša kgonthe tša Modimo, le banna ba go rutega ka go ditshepedišo le dilo. Gomme seo ke se se re swerego ka leemong le re lego lehono. Ke a dumela ke ka baka leo lefase la rena le šwalalanago.

⁶³ Ditiragalo di bile mo lefaseng ge e sa le matšatšing a Noage. Re hwetša ge wa Modimo... a bile le Noage, moprofeta wa toko, a eya pele ka molaetša wa gagwe, go be go le tiragalo ya maitshwarohlephi ka letšatšing leo, bjalo ka ge Beibele e rile, “Ba eja, ba enwa, ba nyala, ba fiwa lenyalong.” Re hwetša, bojato le boitshwarahlepi, le go ya pele, go diragetše ka letšatšing lela. Gomme ka gona lefase la šwalalana gobane batho ba ganne molaetša wa Modimo, bakeng sa letšatši leo. Noage e be e le moprofeta yo a tloditšwego wa Modimo, a romilwe ke Modimo, ka molaetša go tšwa go Modimo, gomme o file batho tshebotšo pele kahlolo e etla. Gomme ba šontše le go sega, le go dira metlae ka yona, le go kwera, gomme tshepedišo ka moka ya lefase ya šwalalana, ka letšatšing leo, gomme ba ile ba nwelela ka tlase ga mawatle. Yeo ke nnete. Gobaneng? Ba ganne molaetša wa iri.

⁶⁴ Re hwetša selo sa go swana se diregilego ka Egepeta, ge Moshe a be a etilepele bana ba Israele go tšwa. Tshepedišo ka moka ya Egepeta e be e senyegile. Gomme re a hwetša bjale e diregile gape, ge Modimo a rometše motseta yo a tloditšwego tlase kua bakeng sa Lentšu la Gagwe. E be e le go phethagatša Lentšu la Gagwe.

O re, “A e be e le go phethagatša Lentšu la Gagwe?”

⁶⁵ O boditše Abraham seo ke tlwa se A tla go se dira. Gomme go ile gwa swanela go ba yo mongwe a etla tiragalong, mo nakong yeo, go dira Lentšu lela go phela thwi pele ga bona. Modimo o be a rometše Moshe wa Gagwe tlase kua, gomme, sona selo se A tshepišitšeego go se dira, o se dirile, ka gore o be a le Lentšu le le tloditšwego la iri yeo. O rile se tla ahlola lefase leo. Lentšu la Modimo le rile, “Ke tla ahlola setšhaba sela ka tše kgolo, matete a maatla le maswao.”

⁶⁶ Fao go be go eme monna, feela monna wa mehleng bjalo ka wena goba nna, o hweditše Lentšu go tšwa go Modimo, gomme o ile ntle kua le go bolela tlholo go ba gona. O rile, “A nke . . .” A topa lesabašaba, gomme o rile, “A nke matsetse a tšwe lefaseng.” Gomme Lentšu la Modimo, ka molomo wa moprofeta yola, go beng go be go le thwi mo iring yeo le bego le swanetše go ba, matsetse a apešitše lefase lohle. O apešitše lefase ka digwegwe, ka dinta. O le apešitše ka mehuta yohle ya—ya leuba le dilo. Ka gore, Modimo o dirile tshepišo, gomme iri e be e le fao go yona go tlotšwa, Lentšu le le tloditšwego la iri yeo ba phelago ka go yona.

⁶⁷ Seo ke se re se hlokago lehono, ga se morago ka go tshepedišo tsoko ya seminari, eupša Lentšu le le tloditšwego la iri ye re phelago ka go yona, go tliša pele Jesu Kriste lefaseng gape. “Wa go swana maabane, lehono, le neng le neng.” Go ne—go ne lenaneo le beilwe ntle bakeng sa letšatši le, tshepišo ya Modimo. Gomme tsela e nnoši re ka tsogego ra kgona go loka, ke go dumelela Lentšu lela le tlotšwe. Yeo ke nnete. Ka mehla e diregile. Ee.

⁶⁸ Re hwetša tšhilafatšo ye kgolo ya maitshwaro ka matšatšing a Nebukadinetsara. O be a na le monna yo a tloditšwego. Ge mongwalo wa seatla o etla mo lebotong, O bile le monna a kgognego go o bala.

⁶⁹ Matšatši a Loto le Sodoma, re hwetša gape lefase le šwalalana. Modimo o phološitše se se ka phološwago, go tšwa go lona.

⁷⁰ Ka matšatšing a Jesu Kriste, re hwetša gore ditshepedišo tša madirwakemotho di tlišitše lefase ka leemong le le bjalo, le dipolitiki tša bona tša letšatši leo, go fihla, ba, lefase ka moka le be le šwalalana, ka Krisemose ya mathomo.

⁷¹ Bjale re dirile selo sa go swana, ra retologela thwi morago go dikologa le go senya Lentšu la Modimo, ka bodumedi bja tshepedišo, go fihla re le hwetša le šwalalana. Ke efe ya

tšona ditshepedišo re ka itshamago godimo ga yona bjale? Ke tshepedišo efe re ka yago go yona, Methodist, Baptist, Presbyterian, goba tshepedišo ya Pentecostal? Ga go selo le gannyane re ka kgonago go se dira eupša go tla morago go Lentšu lela la tshepišo bakeng sa iri ye. Ditshepedišo tše ga di tie, di a tekateka. Tšona, ke tšona, ke ditshepedišo tša madirwakemotho, gomme di ka se go phološe. Ga go na Bophelo ka go tšona. Bophelo bo nnoši bo ka go Lentšu la Modimo. Ke Bophelo. O boletše bjalo.

⁷² Gomme ka tsela ye go bego go le nako yela, ge ba be ba rapela, batho ba ikhwetša bonabeng mo mafelelong a leeto la bona, goba bofelo bja dithapo tša bona, bjalo ka ge go bile matšatšing a Noage le matšatši a Moshe, le go ya pele. Ge ba ikhwetša bonabeng, gore ga ba kgone go ya kgojana, gona ba thoma go rapela. Gomme ge ba thoma go rapela, Modimo ka mehla o a araba. Nako yeo Jesu o tswetšwe.

⁷³ Lefase ka nako yeo, bjalo ka ge ke boletše, le be le šwalalana. Setšhaba se sengwe le se sengwe se be se lebeletše mesia, feela bjalo ka ge re le lehono. Roma e be e lebeletše sehlalefi se segolo se bego se ka kgonago go tla magareng ga bona, mo—mo moisa yo mogolo yo a bilego le meragelo ya sešole, gore o be a ka kgonago go ya godimo kua le go gataka Gerike le lefase lohle. Gerike e be e lebeletše selo sa go swana, yo mongwe a bego a ka kgonago go ba botša ka fao ba ka kgonago go fenza lefase ka moka.

⁷⁴ Lefase la bodumedi bja Sejuda bja letšatši lela le be le lebeletše bakeng sa mogenerale. Ba naganne go tla tla Mesia tlase go tšwa Legodimong, ka lepara le legolo la tshipi ka diatleng tša gagwe, gomme O be a tla itiela Roma fase, a ba gataka le go ba kitimišetša ka lewatleng. Gomme bohle fale, ba be ba lebeletše mohuta wola wa monna. Ba nyakile mogenerale.

⁷⁵ Go swana le bontši ka moka go swana le dikerekemaina tša rena tša lehono, dikerekemaina tša rena di lebeletše monna wa godimodimo. Setšhaba sa rena se lebeletše monna wa godimodimo. Russia e lebeletše monna wa godimodimo. Lefase la bohlabela le lebeletše yo motee. U.N. e lebeletše bakeng sa o tee. Dikereke di lebeletše bakeng sa o tee. Eupša ke mohuta ofe wa yena ba mo lebeletšeego?

⁷⁶ Russia e lebeletše mesia yo a tloditšwego ka—ka mabjoko gore o tseba mokgwa wa go fenyetša sebakabaka, go phala yo mongwe le yo mongwe go ya ngwedding. Ba nyaka go fenza lefase. Seo e no ba...

⁷⁷ Eupša, le a bona, ge ba kgopela dilo tše, gomme ba kgopela se, ga ba kgopele bjalo ka ge Jesu a boletše. Re leka go dira Modimo boka mo—boka mošemane wa sematlane, “Morena, O ntirela se! Gomme O ntirele se! Gomme O ya go dira seo,” go Mmotša a dire eng.

⁷⁸ Jesu o rile, “Ge le rapela, rapelang ka mokgwa wo, ‘Tate wa Rena Yo a Lego Legodimong, Leina la Gago a le kgethege. Mmušo wa Gago a o tle. Thato ya Gago e dirwe.’” Ke mang, hwetša moo re dirago seo? Ka mehla re nyaka Modimo go re direla, goba go re direla se sengwe. Eupša ge re rata go re, “Thato ya Gago e dirwe,” re neela borena go Yena, re gafela ditsela tša rena go Yena. Tšohle tše re lego tšona, re e gafela go Yena. Moo ke ge Modimo a tla sepela, ge o rata go Mo dumelela go šoma godimo ga gago, e sego go šoma godimo ga Gagwe.

⁷⁹ A nke A le botše, e sego lena go Mmotša le go e phetlaganya. “Etlə go tshepedišo ya rena, O Morena Modimo, dira bohole ba rena Mamethodist, bohole ba rena Pentecostal, buša godimo ga ka moka ga bona. Re nyaka sehlalefiphetetelela, rena batho ba Pentecostal, rena Mamethodist le Mabaptist.” Re na le diseminari, re aga tše kgolo tše tona, ba re, “Bo—bo bofelo bja nako bo batametše, go Tla ga Morena,” ba aga diseminari tsa go ja dimilione tsa ditolara, le go ya pele. Go leka eng? Go re hweletša mesia. Yeo ke nnete.

⁸⁰ A nke Morena a tsošetše godimo se sengwe ntle felotsoko, kerekeleina ye nngwe le ye nngwe e ikhweletša wa mohuta wa go swana. Seo ke tlwa. Hwetšang. Šetšang ge phodišo Kgethwa e ratha, ke bafodiši Bakgethwa ba bakae? Yo mongwe le yo mongwe o be a swanetše go ba mofodiši yo Mokgethwa.

⁸¹ Go bile le Moshe o tee mo matšatšing a go tšwelantle. Go bile le Eliya yo motee, Elisa yo motee, Jesaya yo motee, le go ya pele.

⁸² Bjale re hwetša gore lefase le nyaka mesia wa bona beng. Russia e nyaka wa bona, gomme United States e nyaka wa bona, kereke lefase e nyaka wa bona. Yo mongwe le yo mongwe o nyaka mesia wa bona beng, eupša ba mo nyaka ka tsela yeo—yeo ba ka kgonago go mo laola. Ba nyaka go ba le taolo godimo ga mesia yo. Oo, nnete. Ya, bona, ge ba ka kgona go ba. Ge Modimo a ka e romela ka tatsong ya bona beng, ka kgonthe ba tla e amogela. Eupša le a bona, gona, Modimo o tsebile ditlhoko tša bona. Yena, ga se A tshepiša go re romela dinyakwa tša rena le seo re se kgopelago, eupša ditlhoko tša rena.

⁸³ Ba nyakile mogenerale; ba hweditše Lesea. Le a bona, seo ke se ba bego ba se hloka. Ba be ba hloka lesea (eng?) go ba goboša go ba kokobetša.

⁸⁴ Seo ke se kereke ya setaele sa maitirelo e se hlokago lehono, go ikokobetša ka boyona morago gape. Go fihlile lefelong, ga go boipolelo gomme ga go na lerato magareng ga batho. Go bonala eke e a hwa tšatši ka tšatši. Kereke e a tonya. Mogohle, o hwetša tsošeletšo e fedile, gomme o hwetša go fola. Re nyaka kgobošo. Gomme re . . .

⁸⁵ Ba kgopetše mogenerale; gomme ba hwetša Kwana. Gobaneng? Yeo ke, Modimo o tsebile se ba bego ba se hloka. Seo ke se ba bego ba se hloka. Ba be ba hloka Mophološi. Ba be

ba gopola gore ba phološitšwe, eupša Modimo o tsebile gore ba be ba se.

⁸⁶ Gomme seo ke se lefase le se hlokago lehono, gape, ke Mophološi, Mophološi wa seemo se, se sengwe seo se ka kgonago go le swara mmogo. E sego mmušo wa go rutega, mohuta tsoko wa tshepedišo ya mekheniki, goba mohuta tsoko wa tshepedišo ya thuto. Se re se hlokago ke Maatla a Morena Jesu Kriste, le mogau wa go phološa, morago ka kerekeng gape, ge banna, basadi, bašemane, le basetsana, ba ka phološwa.

⁸⁷ A re letile botelele kudu? A go ne ba bantši ntle bao ba ka se tsogego ba tla ka gare? A leina la mafelelo le lopolotšwe? A ke seo e lego taba lehono? Go ka ba, le a tseba. Le a tseba, go—go ka kgona go ba bonolo, gomme gwa se tsoge go tsenatsenwe Mangwalo, le gatee. E ka kgona go ba. Kafao, ga re tsebe bjale, a re hlokameleng.

⁸⁸ Eupša ba naganne ba phološitšwe, gomme—gomme, eupša Modimo o tsebile bokaone go feta ba dirile. Gomme selo sa go swana se a direga lehono.

⁸⁹ Ba be ba tšere Lentšu leo Modimo a bego a ba file lona bakeng sa letšatši lela, gore ba be ba swanetše go tseba letšatši le A bego a etla, gomme o be a dirile motlwae go tšwa go Lona. Jesu o rile, “Le tšere Lentšu la Modimo gomme la Le dira la go hloka maatla, ka metlwae ya lena.”

⁹⁰ Seo ke selo sa go swana se diregilego lehono ka tshepedišong ya rena, lefase la tshepedišo ya bodumedi. Ditshepedišo tša lefase di tšere Lentšu la Modimo gomme tša Le dira setšo. Gomme ke ka lebaka leo ga Le ne le maatla go Lona. Ga go selo se tla tšwago ka go Lona, ka baka la gore Le be le hlakahlakane.

⁹¹ O ka se kgone go bea lebele la mmapale ka go selo se sengwe seo se ka se kego, ntle le ge e le lefase, gomme le ka se gole. O ka kgona go le bea ka letšatšing le go le boloka le ruthetše, o ka kgona go dira se o nyakago go se dira, eupša go tšea mohuta wo o itšego wa lefase. E swanetše go ba ka kua. E swanetše go bolokwa. E swanetše go ba ka tlase ga boemo bja maleba, go le dira le tšweletše pele.

⁹² Gomme le Lentšu la Modimo le dira bjalo! O ka se kgone go tšea kereke gomme wa e tliša bophelong, godimo ga setšo se sengwe. O ka no tliša maloko, ka dimilione, eupša o ka se tsoge wa theoša Maatla a Modimo go fihla re eya morago go Lentšu la setlogo gape, morago go Lentšu la motheo, morago go Madi, morago go—go Jesu Kriste, morago go dikopano tša thapelo tša fešene ya kgale, le morago go Modimo! Re ka no ba re ile kgole, bjale, gore iri e fetile. Eupša, go le bjalo, Ebangedi e swanetše go rerwa. Ga ra swanela go ahlola seo.

⁹³ Modimo o tsebile se ba bego ba se hloka, kafao O ba file se ba bego ba se hloka. Kafao gape, re hwetša, se ba bilego le sona, re dirile selo sa go swana.

⁹⁴ Russia le bohle ka moka ga bona ba nyaka wa bona. Gomme borasaense ba go fapania ba nyaka go itirela ka bobona leina le legolo. Setšaba se sengwe le se sengwe se nyaka go hwetša monna wa sona wa mabjoko. Re nyaka wa rena. Re nyaka tshepedišo ya thuto ka go yona. Re nyaka bokerekeleina. Seo e no ba tlwa se re nago naso. Seo ke se le se dirilego. Seo ke se le bego le se nyaka, seo ke se Modimo a le filego sona. Bjale le ya go dira eng ka yona morago ga ge le e hweditše?

⁹⁵ Re bolela ka Russia lebaka la motsotso wo mongwe. Marussia ba bitša bakeng sa monna yo a ka kgonago go fenza sebakabaka. Ba ba hlahla ka lebelo ka mo ba kgonago, boramahlale ba bona. Go ka reng ge ba hwetša o tee, go ka reng ge ba hweditše mesia wa bona, re ya go dira eng? Gomme kgaogelo go rena ge ba ka e hwetša! Elelwang, Jeremane e sa tšo hwetša mesia yo mobjalo nako ye telele, e sego kgale kudu, Hitler. Gomme re tseba se e se dirilego go bona.

⁹⁶ Bjale go reng ka kereke, ke mohuta mang wa mesia kereke e mo lebeletšego, lehono? Lena, kereke, le llile kudukudu. Kafao, re goelela eng ka mesia, re goelela eng? “Tsošeletšo ka nakong ya rena! Morago *se, sela, le se sengwe.*” Ba lebeletše eng, go e dira? Ke eng bontši le se nyakago? Kereke e nyaka eng, golebjalo?

⁹⁷ Re šetše re Le hweditše! Modimo o re file Lona. Ke tshepišo ya Gagwe bakeng sa iri ye. Re lebelela ka Beibeleng, re e bona mogohle go kgabola Beibe. Bao ba tloditšwego ba tlie godimo gomme ba dira Lentšu lela go phela gape, thwi ka iring ya iri yeo. Gomme re na le Mesia. Yo ke Yena, Lentšu! “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo.” Gomme Lentšu le dula e le Modimo, Bahebereg 13:8, “Wa go swana maabane, lehono, le neng le neng.” Re tseba se se swanetšego go direga mo letšatšing le. Re nyaka Mesia. Gomme Modimo o re file Mesia, Lentšu la Gagwe le le tshepišitšwego letšatši le. Le nno letela yo mongwe ka tumelo, go Le tlotsa le go Le dira le phele gape. Ee, mohlomphegi. Ke Mesia wa kgonthe, Ke Lentšu la Modimo. Leo, Jesu o rile, “Bobedi magodimo le lefase di tla feta, eupša Lentšu la Ka le ka se tsoge la feta.”

⁹⁸ Eupša kereke e dutše go hwa semoyeng, e ile, iri e ba fetile. Ba ka go kgoswane, gomme ga ba tsebe se ba ka se dirago, yo motee o kitima ka tsela *ye* le yo motee ka tsela *yela*. Gomme fa tshepišo ye nngwe le ye nngwe yeo Modimo a e dirilego ka Beibeleng, yo mongwe le yo mongwe wa bona, o robetše fale feela gabotse bjalo ka ge ba kile ba ba. Ke iri! Ke eng e dirago kereke ka mokgwa wo? Re ka go lebaka la Laodikia, ge a swanetše go tla ka tsela ye. Ye ke iri ya yona.

⁹⁹ Eupša elelwang, ka fale go iri yeo kgarebe ye e robetšego e tlago go reka Oli, gomme yeo e bile iri ya go swana yeo Monyadi a tlilego. Re a hwetša lehono, Maepiscopalian, Mapresbyterian, le

dikereke tša maina tša go fapanā, gore, mengwaga e se mekae ya go feta, o be o ka se kgone go hira go ya tikologong ya sehlopha sa badumedi ba Pentecostal. Ka kgonthe aowa. Eupša šebale fale, lehono, ba tla ka gare. A ga le tsebe se Jesu a se boletšego? Ba tlile ka gare go reka Oli, gomme ba rile, “Re feng ye nngwe ya Oli ya lena.” Bao ba bilego le Oli, ba rile, “E sego bjalo. Eyang go E reka, ntle le ge . . . go tšwa go bona bao ba E rekišago.” Gomme ge ba be ba leka go E reka, ge ba be ba leka go E hwetša! A le tseba iri ye re phelago ka go yona, batho ba Pentecostal? Ge ba etla, ba ka no be ba na le kgakanego, ba ka no be ba dirile *se, sela*, goba se *sengue*; eupša, go ya ka Mangwalo, ga se ba E hwetša. Ge ba be ba leka go e dira, ba ka no be ba ile go kgabola maikutlo ohle, gomme ka gona ka go diism tšohle le maikutlo, eupša diabolo o kgona go ekiša dilo tšeō tšohle. Ge ba be ba sa E reka, goba go leka go E hwetša, Monyadi o tlile, le bona bao ba bilego le Oli ba tsene.

¹⁰⁰ Gomme go na le iri ye re phelago ka go yona. Ga se ra ke ra e bona pele. Jesu o rile go tla ba bjalo, gona go bjalo! Re bona eng? Re bona Lentšu, gore Modimo o rile le tla direga ka letšatšing le, la direga thwi ka tlase ga difahlego tša rena. “Oo, gona phafogang, lena bakgethwa ba Morena, gobaneng le thibama ge bofelo bo batamela; a re itokišeng bakeng sa pitšo yela ya mafelelo,” gobane ga re tsebe e tla ba neng. Ee.

¹⁰¹ Tshepedišo ya lefase la rena, tshepedišo ya kereke ya rena, tshepedišo ya dikerekemaina tša rena, ditshepedišo tšohle tša rena, di tšhilafetše le go senyega. Se re se hlaelelagoo lehono ke se ba bilego le sona maabane. Yeo ke mnnete. Go bonala o ka re go oma, ga dikereke, le gannyane ga ba kgone go hwetša kereke gape yeo e phelago ka Lentšu le ka Moya wa Modimo, le dilo tše kgolo di direga boka go be go se kgale botelele.

¹⁰² Bjale, re hwetša gore Modimo o tseba se ba bego ba se hloka, kafao ka mehla O—O araba tshepišo. E no ba Lentšu le legolo le leo re le bonago, tshepišo, ba be ba swanetše go tseba gore e be e no ba tlwa se Modimo a se tshepišitšego, seo se tla diregago ka letšatšing leo.

Le re, “Bjang, go be go swanetše go direga eng?”

¹⁰³ Jesaya 9:6, moprofeta o rile, “Go rena Ngwana o tswetšwe, Morwa, Ngwana; Morwa o tswetšwe, Ngwana o filwe: gomme Leina la Gagwe le tla bitšwa ‘Moeletši, Mokgoma wa Khutšo, Modimo yo Maatla, Tate wa Gosafelego’; gomme mmušo o tla ba godimo ga magetla a Gagwe, gomme ka Mmušo wa Gagwe go ka se be le bofelo.”

¹⁰⁴ Re a tseba gore re be re swanetše go ba le Ngwana yo a belegwego ka letšatšing leo, kgarebe e swanetše go ima gomme ya tliša Ngwana. Gomme Ga se ya tla ka e ka ba efe ya ditshepedišo tša bona, kagona ga se ba nyake selo go dira le Yona. Ba E ganne. Eupša Lentšu le le tloditšwego, Modimo (Imanuele) a dirilwe

nama magareng ga bona, o eme fale, O rile, “Ke mang wa lena a ka go Mpea molato wa sebe, gosedumele? Hlolang Mangwalo, ka gore ka wona le nagana gore le na le Bophelo bjo bo sa Felego, gomme ke wona a a pakago ka Nna.” O be a tsebagaditšwe moka gore O be a le Messia, Mesia go direga mo letšatšing leo. Gomme ditshepedišo di be—di be di sentše monagano wa batho, ka go melao ye mentši ya tshepedišo, le go ya pele, go fihla ba dirile Lentšu la Modimo la lefeela. Ga se ba ke ba kgona go bona gore O be a le Messia.

¹⁰⁵ Gomme bjalo ka ge e dirile nako yela, kafao e e dirile gape. Nnete. Ditshepedišo tša lefase, dikgerekere, di ne dipistone moo—moo phaephé ya oksose e swanetšego go ba gona, ka go metšhene ya bona ye megolo. Gomme ka fao e ka kgona go kitima bjang? E ka se kgone go e dira. Ga se ya agiwa ka tsela yeo.

¹⁰⁶ Kereke e ka se kgone go kitima ntle le Maatla a Modimo, ka Lentšu. Gomme Moya wo Mokgethwa o tla tiišetša feela Lentšu la Modimo, ka gore seo ke se O tlago go se dira. Tlotšo ke go tiišetša Lentšu.

¹⁰⁷ Gomme Jesu o be a le Yena Motlotšwa, Lentšu le dirilwe nama. Ke ka baka leo A sepeletšego ntle go ya ka meetseng kua, O be a le Lentšu le etla go moprefeta. O ile a kolobetšwa ke moprefeta. Gomme moprefeta nako yeo a tsogela godimo, gomme a re, “Ke swanetše go kokobala; O tla godišwa.” Re hwetša gore yeo ke tsela ya Modimo ya go e dira.

¹⁰⁸ Eupša a ba Le amogetše? Ba be ba swanetše go be ba Le tsebile. Ba be ba swanetše go be ba šeditše ditiro tša Modimo. Ba bone Lentšu le phethagatšwa. Ba tsebile Mangwalo a e boletše, eupša ga se ba kgona go dumela Le tla tla ka mokgwa woo. Le be le swanetše go ba e ka ba go Bafarisei goba Basadutsei. Ge le etla go Bafarisei, Basadutsei ba ka be ba se ba Le amogela. Pele le morago, ba—ba Basadutsei ba ka se Le amogele, gobane ba rile Bafarisei ba tla ba le Lona.

¹⁰⁹ Gomme yeo e no ba tsela ye go lego lehono, ditshepedišo tša rena, gomme selo sohle se be se bodile le go tšhilafala. Oo, nna! Iri yeo re phelago bjale, lefase le le foufetšego, le sepelago ka leswiswing, le wetše ka ditshepedišong tša lefase le, boka dinku di se ne modiši. Ge ba bile le Lentšu la Modimo yo a phelago le hlatsetšwe pele ga bona, gomme ba sepela thwi go tloga ka bofofu, le go Le tlogela, o ka kgona bjang go letela e ka ba eng gape? Amene. Ke rena bao.

¹¹⁰ Gona, lefase le a šwalalana. Gobaneng? Lona Lentšu leo le le tlemilego mmogo le gannwe. Re hwetša seo ka go Bahebère, tema ya 11.

¹¹¹ Einstein o boletše. Ke be ke theeditše thuto ya gagwe, fa bošegong bjo bongwe, New York City, gore o dirile ye nngwe ya dithutophahlošo tša gagwe ya mafelelo. O be a bolela ka mokgobokano, molalatladi wo monnyane wa dinaledi, o be o

le, ntle ka mokgobokanong. O rile, "Ge motho a thomile go kgabola sebaka, a sepela ka lebelo la seetsa . . ." Ke eng seo, dikete tše seswai . . . [Yo mongwe o re, "Lekgolo le masomeseswai tshela."—Mor.] Lekgolo le masomeseswai tshela a dimaele ka motsotsvana. "Go tla mo tsea lekgolo, go mo tsea mengwaga ye milione tše lekgolo le masometlhano ya seetsa go fihla fale." O hweditše Bokagosafelego. Ka gona o rile, "Go tla morago, go tla mo tsea mengwaga ye mengwé ye lekgolo le masometlhano, e tla bago mengwaga ye milione tše makgolotharo. Gomme sekgoba, seo a tla bego a tlogile lefaseng, e tla ba feela mengwaga ye masometlhano." Ke lena bao, le phuleeditše ka Bokagosafelego! Oo, nna! Bogolo bja Modimo, ge A dirile tshepedišo ka moka ya letšatši!

¹¹² Gomme sephatšamaru se, letšatši le lengwe, a fofa go dikologa godimo ga Russia kua, gomme o rile yena "ga se a bona Modimo, Barongwa." Batho ba ka hloka tsebo bjang! Ge . . .

¹¹³ Modimo! Gomme tshepedišo ka moka ya letšatši, O e buduletše go tloga diatleng tša Gagwe; gomme O dutše mengwaga ye milione tše dintši kudu, mengwaga ya seetsa, ka godimo ga seo. Gomme selo ka moka se swerwe ke Maatla a Gagwe le Lentšu la Gagwe. Haleluya! Naledi ye nngwe le ye nngwe e swanetše go lekelela go lefelo la yona. Ee, mohlomphegi! Ka gona, o be a kokobetše go lekanelo go tla tlase le go dirwa yo motee wa rena, go re hwela; ga re na le boitshwareletšo. Ge ye tee ya tšona dinaledi e ka direga go sepela go tloga go disokete tša yona, go tšwa obiting ya yona mo e lego, ge yeo e ka šutha, e tla ama tshepedišo yohle. Tshepedišo ka moka e swanetše go retologa tlwa go swana, ka gore e tee itshama go ye nngwe.

¹¹⁴ Gomme tshepedišo ya Modimo, ge e le ka kwanong ye e phethagetše go le Yena, selo ka moka se šoma go phethagala. Yeo ke nnene, gobane e swanetše.

¹¹⁵ Eupsa kereke ga se ya ke ya tsea tshepedišo ya Modimo, e dirile tshepedišo ya yona mong. Ke ka baka leo bohle re tšwele kwanong. Ke ka lebaka leo kereke e hlakahlakanego kudu. Ke ka baka leo lefase le šwalalanago lehono, gobane re amogetše ditshepedišo tša rena beng. Ke ka lebaka leo lefase la sepolitiki le arokane. Ke ka lebaka leo lefase la bodumedi le ile la šwalalana, ke ka gobane re amogetše tshepedišo sebakeng sa go tsea peakanyo ya Modimo ya Gosafelego bakeng sa mabaka. Amene. Seo ke se e lego bothata ka lefase. Seo ke tlwa se e lego phošo, ke ka gobane ba amogetše se sengwe gape. E fihlišitše batho bjalo, "Ke nna Mopresbyterian. Ke nna Momethodist. Ke nna Mooneness. Ke nna Mothreeeness. Ke nna . . ." Oo, kgaogelo! Ga go makatše re ka se kgone go swara mmogo, ga go selo go re swara mmogo.

¹¹⁶ Mna. Nixon o dirile tshwayo ya go phadima kudukudu ke kwelego mopresidente e ka ba ofe goba motlatšamopresidente a

dira mengwageng e se mekae ya go feta, ge a boletše letšatši le lengwe, "Bothata ke eng ka batho ba Amerika, ba lahlegetšwe ke lerato le tlhompho go bona seng." Bjalo ka badudi ba Amerika ba thunyana seng, mokgotheng, re kgona bjang? Nna!

¹¹⁷ Ge o sa kgone go fapania le monna, gomme wa mo rata nako ya go swana, gona homola. Ge o sa kgone go mmotša, bjalo ka papa a phošolla ngwana wa gagwe, ka letsogo la go rata go le bea go dikologa molala wa gagwe le go mo gokara morago ga fao, bokaone o e tlogele e nnoši. Ga se wa ya kgole go lekanelia, wenamong, go tseba se o bolelago ka sona. Nnete. Nka fapania le monna, ka kgonthe; go le bjalo ke ngwanešu wa ka, ke tla swara seatla sa gagwe. Nka se mo dumelele go feta ka seo; ge ke dira, ge ke se ka mmotša, nka se be ngwanešu wa maleba go yena. Yeo ke nepagalo. Eupsa nka kgona go mmotša, le go mmotša ke a mo rata, le go e netefatša go yena, ke a mo rata.

¹¹⁸ Ga wa swanela go mo thunyetša fase, ka mokgotheng. Ke fapania le Mna. Kennedy le—le dipolitiki tša gagwe, le bodumedi bja gagwe, le go ya pele, eupša o be a se a lokelwa ke sela. Aowa, mohlomphegi. Aowa, ka nnene. Ga go motho a lokelwago ke sela.

¹¹⁹ Kafao, re hwetša lefase ka moka le senyegile. Setšhaba sa rena, dipolitiki, ditshepedišo tša bodumedi, le se sengwe le se sengwe, ke tshenyego.

¹²⁰ E nno leta. Lentšu la Modimo, leo le profetilwego bakeng sa letšatši le, le letile yo mongwe go tla kgaušwi le go Le hlatsetša. Ke a makala ge eba O šetše a e dirile? Gona re mo kae gona ge eba A e dirile? Ge A e dirile, gona re mo kae? Go šokiša kudukudu!

¹²¹ Ke boletše selo se boima ka ga Mdi. Kennedy, makga a mmalwa, ka ga yena go beakanya difešene tša lefase, ka mekoto ya meriri ya hlogomeetse, le, "Ka fao dikgaetsedi tša rena le bona ba ripago moriri wa bona, le go apara boka Mdi. Kennedy," ke rile, "boka Isebele wa kgale." Yeo ke therešo. Ke dumela seo. Ke—ke—ke kwela mme yo monnyane bohloko fale bošegong bjo, le bana ba gagwe, tlwa.

¹²² Eupsa a nke ke le botšiše se sengwe. Ge nka be Jacqueline Kennedy a ka be a kwele Melaetša yeo ba bangwe ba lena Mapentecostal le nago, ka go kota moriri wa lena le dilo, ebile a ka no be a se ne moriri wa go kotwa. O swanetše go ba mopentecostal, gomme o sa e dira! Uh-huh. Uh-huh. A ka no be a se nke a e dire ge nkabe a bile le sebakabotse gomme a kwele Molaetša, le a bona, le kwele. Ke lena bao. Re ka lefelong le lebe, magagešo. Yeo ke nnene tlwa. Ee, ka nnene. O Modimo, maitshwaro bjang, selo...

¹²³ Bosadi ke bjo bongwe bja selo seo se swerego setšhaba sa rena mmogo. Ke lerapo la mokokotlo. Gomme bosadi, bokwala bjo bokaone bjoo Modimo a filego mosadi go ba mme, gabaneng, bo—bo—bo ile. Botelele bja go feta basadi ba lefase le ba—ba—ba bile—ba bile, le bokwala bja bona, bo inamile go modimogadi

wa fešene wa Hollywood; ba ikekiša bonabeng, le go ikapeša bonabeng, le go itshwara boka ba bangwe ba dinaletšana tša Hollywood di dira. Gomme dinako tše ntši gore ebile le moaparo wa go hloka modimo, wa kgogedi ya thobalano, o tšewa bjalo ka difešene ka dikerekeng. Gomme badiša ka morago ga phuluphithi, ba se na le—se na le sebete, ba se na ma—ma maatla a Moya wo Mokgethwa; boka Loto a dutše tlase fale, go tshwenya soulo ya gagwe, le ka go thekethe ye ntši ya dijo go botša batho gore ke phošo. Ya.

¹²⁴ Se re se hlokago lehono ke go tomolela ntle. Re ka no tomola medu thari kudu bjale. Iri e ka no be e fetile. Ga re tsoge ra ba le tsošeletšo ye nngwe. Ke a tseba le e lebeletše, eupša ga ke e bone ka go Lengwalo.

¹²⁵ Ke lebeletše Tlhatlogo, bakeng sa feela batho ba go tlala seatla. Yeo ke nnete, feela batho ba go tlala seatla. Ba ka se tsoge ba hlologelwa ka lefaseng. Ge ba eya, o ka se tsoge wa tseba e ile. Yeo ke nnete. Le tla tla bjalo ka lehodu bošego.

¹²⁶ Gomme ge A ka se ripe mošomo boripana, bakeng sa Bakgethiwa! Go na le ba bangwe ba kgethetšwego go ya Bophelong bjo Bosafelego, re tseba seo; bohole ba bona ke, bao ba nago le Bophelo bjo Bosafelego. Gomme ge ba—gomme ge ba . . . goba gona ga A e kgaole, bakeng sa bona, ga go nama ye e tla phološwago. Lefase le kopane le tshenyego ya lona, mengwaga ye mengwe le ye mengwe ye dikete tše pedi. Re a tseba tshepedišo e šwalalane. E wele go arogana mo matšatšing a Noage. Matšatši a Kriste, e ile ya šwalalana. Gomme mo go tla 1964, e tlogela eng? Mengwaga ye masometharo tshela go ya go dikete tše pedi; wa masomepedi tee, ngwagakgolo wa masomepedi tee o a tla. Go direga eng? Mošomo o sa swanetše go kgaotšwa. Jesu o rile, tshe—tshe tshenyego ya letšatši le, “Bakgethiwa ba tla forwa gomme ba ka se phološwe, ge go be go ka kgonega.” Ke rena bao. Gomme tšhupamabaka e a re botša, go ya ka saense, gore re kgauswi le mengwaga ye lesometlhano go tloga go seo. Re morago go tšhupamabaka ya Seroma, go ya ka tšhupamabaka ya Bajuda, gore re mengwaga ye lesometlhano, masomepedi morago go yeo.

¹²⁷ Kafao re mo kae? Re bona ditšhaba di šwalalana, gomme Israele e a tsoga, maswao ao Beibele ye e a boleletšegopele bakeng sa letšatši le. Re bona dilo tša mekhениki di direga. Bjale Moya, maatlatshapedišo a Lentšu lela le tshepišitšwego, go tsena ka Kerekeng ya Gagwe le go ba gapela ka Khalibari mošola, le go Tlhatlogo! Gomme ke rena bao.

¹²⁸ Ga go makatše re a šwalalana, ga se gona . . . Sona Selo seo se hlotšego lefase, sona Selo se beilwe mo go lefase go bulela, sona Selo seo ditshepedišo le se sengwe le se sengwe gape di bego di swanetše go dikologa tikologong, Lentšu le leo, ka Modimo, le hlamilego lefase. Einstein o rile ka go la gagwe, o rile, “Go na le tlhalošo e tee feela ya Lengwalo . . . Feel a tlhalošo e tee go

lefase le go beng gona,” o rile, “yeo ke Bahebere 11, ‘Ka tumelo re kwešia Lentšu la . . . ka Lentšu la Modimo, gore mafase a foreimilwe mmogo ke Lentšu la Modimo.’” Seo ke moka. Ga go yo motee a ka kgonago go bolela gore le lekeletše bjang kua moyeng, le ka fao le ka retologago le go dira diiri tše masomepedi nne go dikologa ekhweita, go ya pele ka mokgwa woo, le go dikologa obiti ya lona, mogohle, gomme wa tla morago go lefelo la go swana gomme wa se tsoge wa foša motsotswana. Gomme naledi ye nngwe le ye nngwe e dikologa ka go ntikodiko ya yona ka mokgwa woo, le go thušana seng ge di dikologa.

¹²⁹ Ka fao ngwedi wola o šetšago tlase kua godimo ga lewatle lela! Ge ngwedi wola o ka tsoge wa sepelela ntle ga lefelo la wona, re tla apešwa godimo ka meelo ye lekgolo ya meetse, feela mo motsotswaneng, goba ye mebedi. Ngwedi wola! Šetšang, ebole o ka kgonago bora molete fa, lena bašho le borago oli, le borago tlase fa. Le bona lebopo le kgole gakaakang go tloga go lena? Le bora molete tlase fa mo mobung, gomme le šetše mo nakong ya mantšiboa, ka fao phulawatle e tsenago, e tla tliša meetse godimo ka go phaephe ya gago, meetse a gago a letswai. Ka nnete. Ke eng? Ngwedi wola o a a laola, mošola.

¹³⁰ Ke tshepedišo ya Modimo. Ke peakanyo ya Modimo. Ke Taelo ya Modimo. Eupša, re dira ya rena beng, re ka se tšeeyya Gagwe. A re hlaganeleng bjale, ge re fetša. Go swana le nako yela, go swana le Krisemose ye, re hwetša lefase la rena le šwalalana. Oo!

¹³¹ Modimo o ile a tlotšwa, gomme O tshepišitše Lentšu la Gagwe. O re tloditše morago kua, gomme O re boditše, o ba boditše, “Ge A tloditše Jesu Kriste . . .” Petro o rile ka Letšatsi la Pentecost, o rile, “Jesu Kriste, Monna yo a netefaditšwego ke Modimo magareng ga lena ka maswao le matete, a A a dirilego magareng ga lena; lena lenabeng le a tseba.” Ke dihlatse. Gape o rile, “Ka morago ga tsogo, le go ya pele, ka fao A dirilego! Ka fao ka diatla tše mpe le tšerego Mokgoma wa Bophelo gomme la bapola, Yo Modimo a mo tsošitšego; gomme re dihlatse.” Ka fao Nikodemo a tlidego gomme a re, “Rabi, re a tseba. Rena Bafarisei, Dikgorotsheko tša Sanhedrin godimo fale, re a tseba gore O Morutiši yo a rometšwego go tšwa go Modimo. Ga go motho a ka kgonago go dira dilo tše O di dirago ntle le ge e se tša Modimo.” Ba tsebile gore tshepišo yela e be e le ya fale, gomme ba tsebile e be e le, eupša ditshepedišo tša bona di bile le tšona di bofilwe kudu go fihla ba sa kgone go dira selo ka yona.

¹³² Ka fao go bjalo lehono, sona selo se se swanago. O ka se kgone go e dira, o tla neela karata ya gago ya kopanelo lekga la mathomo o e dirago. O no maraka ntle kua godimo ga Lentšu lela la Modimo nako ye nngwe, go bona se se diregago; o fedile. O ka se tume. O tla ragelwa ntle go tloga magareng ga bona, le se sengwe le se sengwe gape.

¹³³ Oo, ge o na le bodiredi bjo bonnyane, ba tla go swara bakeng sa tšhelete ye ba ka kgonago, ba gogela lešaba ka gare go tšwa bodireding bja gago, ba goga tšhelete le dilo. Eupša e nong go šetša ge go etla go Lentšu, ba šetše ka fao ba lego morago godimo ga Leo. O nagana mohlanka wa Modimo ga a tsebe seo? Gabotse, Jesu ebile o tsebile gore Judase o be a le magareng ga Gagwe. Gobaneng Jesu a se a bolela se sengwe go Judase? Lebaka la go swana le lego lehono, o swanetše go leta go fihla iri yela e etla bakeng sa go fora goo. Yeo ke nnete. Ba e hweditše. Ba tla e hwetša.

¹³⁴ Hlokamelang, eupša ba be ba sa nyake tsela ye A tliego ka yona, ka fao go bjalo le lehono. Dikereke nako yeo di nyakile tshepedišo tša tšona go tlotšwa. Bafarisei ba nyakile tshepedišo ya Bofarisei e tloditšwe, Mosadutsei o nyakile tshepedišo ya Bosadutsei, Baherodian bjalo, go ya pele. Yeo ke tsela lehono. Ge ba ka... Ge Modimo a ka romela tlotšo, gomme a tlotša Oneness oo, nna, a ba ka se botše Matwoness ka yona, goba Mathreeness, goba e ka ba eng e lego? A Assemblies e ka se botše Oneness ka yona? “Ke go boditše re be re nepile!” Methodist e tla botša Baptist, “O mošemanne, le a bona, re mo hweditše!” Le nyaka tshepedišo ya lena e tlotšwe.

¹³⁵ Eupša Modimo o tshepišitše feela go tlotša Lentšu la Gagwe. Amene! Ke a tseba seo se a tshuma, eupša seo ke se e lego Therešo. Modimo ga a tsoge a fetoga. O tlotša Lentšu la Gagwe. Ee, mohlomphegi. Motlotšwa, Lentšu le le tshepišitšwego la lebaka leo ke se Modimo a se tlotšago. Lentšu le le tshepišitšwego la lebaka leo!

¹³⁶ Lehono ba nyaka tshepedišo ya thuto, (gobaneng?) gore ba kgone go dira e ka ba eng ba nyakago, gomme ba fele ba sa swere boipolelo bja bona bja Bokriste. Oo, ge ba na le se sengwe se segolo bogolo, moo o ka yago ka gare, go ya go theoga methalo, le dilo, gomme wa hlahunha motimohlahunwa, le—le go ragana seng ka thoko; gomme ba tšwelantle le go ba le diholo tša boithabišo le dilo, moo lena bohole le yago le go bapala pasketepolo le dilo boka tseo. Ga ke na le selo kgahlanong le pasketepolo, peisepolo, kgwele ya maoto, goba eng kapa eng e lego yona, ye kgolo... ge seo e le sohle modimo wa gago a lego, ke mokotla wo mogolo wa moyo. Eupša a ke le botšeng, se re se hlokago lehono ke Lentšu la Modimo, le le tloditšwego la lebaka le, leo le tla tlišago pele Maatla a Moya wo Mokgethwa gape. Ee, seo se lokile, eupša seo ga se sa ka kerekeng. Aowa, mohlomphegi. O swanetše go aga se sengwe boka seo, go boloka kereke mmogo, bokaone o e tshume fase goba o e ragele ntle, goba go tliša se sengwe ka kua seo se tla tlišago Lentšu morago gape. Gomme tseo ke dilo tša lefase, oo, go e hlakanya le Lentšu la Modimo, o ka se kgone go e dira. Aowa, mohlomphegi.

¹³⁷ Ee, mohlomphegi, bjale ba nyaka tshepedišo. Lefase le tla tsea tshepedišo. Bjale re hwetša, tshepedišo ye nngwe le ye

nngwe ye nnyane ka go ya yona mong, ye nngwe le ye nngwe ya tšona e re, “Ke nyaka E tle go nna. Ke nyaka E tle go ya ka.” Oo, ba hwetša metšhene ye megolo, le go ruta bareri, le dilo boka tšeо, gomme ba ba tliša ntle, ba ba phaphašetša ntle, šaatena, ka bohlale; go fihla, nna, moisa a ekwa mantšu a gagwe, popopolelo ya gagwe, e befile kudu, o hloile ebile go ya ka phuluphithing ka morago ga e tee. Eupša se re se hlokago lehono ga se tshepedišo ya thuto, ga se dithutophahlošo.

¹³⁸ Se re se hlokago lehono ke Ebangedi ye e swerwego ke Maatla a Modimo, go hlatsela Lentšu la iri ye, go moo go tla tlago yo mongwe yo a tla emelegago gomme a bitsa ntsho “ntsho,” le tšhweu “tšhweu,” yo mongwe yoo a tla emelegago gomme a bolela Therešo, ge eba E tloša letlalo goba go go kgokelela fase, goba eng E se dirago. Seo ke tlwa se—se iri e se biletšago, lehono.

¹³⁹ Eupša batho ba nyaka se sengwe. Batho lehono, basadi, ba nyaka eng? Ba nyaka ba—ba—ba batho, modiša, yo a tla emago gomme a re, “Go lokile. O ka kgona go dira *se*, goba go dira *sela*. Goba, seo se lokile, ga go na selo sa phošo ka *seo*, morategi.” Moreri yola o hloka go hwiphinywa ga Ebangedi; a dumelela moriri wa go kotwa, go apara pente.

Aowa, o re, “Seo se na le eng go dira le Yona?”

¹⁴⁰ A ga le tsebe bokantle bja lena bo bonagatša se se lego ka teng? A Beibele ga e re ga la swanelo go dira seo? “Ebile ga se gwa tlwaelega go mosadi go rapela ka mokgwa woo.”

¹⁴¹ Gomme wena monna o nyaka se sengwe boka seo? Bareri, o ka se kgone go e bolela, gobane o tla neela karata ya gago ya kopanelo, khantshele ye kgolo e tla go ragela ka ntle ge o bolela se sengwe ka yona. Modimo thuša monna yo a ka naganago bontši bja karata ya khansele goba karata ya kopanelo go feta a ka bago kolobetšo ya Moya wo Mokgethwa, le Lentšu! Moya wo Mokgethwa o ka kgona bjang, woo o ngwadilego Beibele, wa gana se A se ngwadilego?

¹⁴² “Gabotse, matšatši a mehlolo, oo, ga re hloke seo lehono. Phodišo ye Kgethwa, dilo tše dingwe tše, tšeо, ga go selo se sebjalo. Seo ke go bolelelamahlatse, seo ke, oo, go bala monagano.” Wena, wa go šokiša, wa go goboga, bothata ke eng ka wena? Re hloka—hloka Ebangedi, ge Moya wo Mokgethwa o le ka go lena!

¹⁴³ Ge ke le boditše, “Bophelo bja Beethoven bo be bo le ka go nna,” nka ngwala mmino. Ge Beethoven a phetše ka go nna, ke tla phela bophelo bja Beethoven. Ge Shakespeare a be a le ka go nna, nka kgona go hlama theto. Nka kgona go ngwala dipapadi, ge Shakespeare a phetše ka go nna.

¹⁴⁴ Gomme ge Jesu Kriste a phela ka go lena, mediro ye A e dirilego, le Lentšu la Gagwe, Yena ke Lentšu, le tla inetefatša ka Bolona letšatši le, ka yona tshepišo yeo A e fago. Amene. Seo ke se Modimo a se letetšego. Seo ke se se swerego lefase, go

arogana, se se swerego lefase mmogo, lefase la bodumedi mmogo, ke Lentšu la Gagwe, swara e ka ba lefe la Lentšu mmogo. Ya.

¹⁴⁵ Batho ba nyaka mohuta woo wa tshepedišo, go le bjalo. Ba ya go e hwetša. Ba šetše ba le ka go yona, gonabjale. Khantshele ya Dikereke tša Lefase e tla ba fa feela se ba se nyakago, yo mongwe le yo mongwe wa bona mmogo. Ka fao Mapentecostal a ba ka kgonago go dula ka dikhonferenseng tše, le go tsena ka Vatican City gomme ba ngwala lengwalo la go thethišwa, le go re, “Selo sa semoya kudukudu nkilego ka se bolela, ge ke dutše hleng le Tate yo Mokgethwa Mopapa *Semangmang*,” gomme wa ba Mopentecostal le go tseba ka fao... Ke mosepelo wa go hwa wa Pentecostal. Selo ka moka se hwile. Se senyegile. Se ile! Se thwi morago ka go Mohlakanelwa wa Dikereke mo e lego sa gona. Nnete tlwa.

¹⁴⁶ Eupsa Kereke ya Modimo yo a phelago, Monyalwa yola, o sepelela thwi pele go no swana. Gomme O tla ya ka go Tlhatlogo, ka Lentšu, yeo ke nnete, Lentšu le Lentšu di tla tla mmogo. Ge re le karolo ya Kriste, karolo ya Lona, re swanetše go ba Lentšu la Gagwe, ka gore Yena ke Lentšu. Therešo. Ee, mohlomphegi.

¹⁴⁷ Ba ganne Lentšu le le tloditšwego la tshepišo, la lebaka le, gomme ka mehla O be a le Lentšu. Ge Modimo a re rometše la go tlotšwa, Lentšu le le tshepišitšwego gape, bakeng sa lebaka le, ka go 1946, O be a tla swana le ka mo A bego a le ge A etla mathomong, Lentšu le le tloditšwego la lebaka. Bahebere 13:8 e e lahlela thwi morago ka go difaro tša lena, le go re, “O a swana maabane, lehono, le go ya go ile.” Yeo ke nnete tlwa. Gomme re... Gomme O tla dula le Lentšu la Tate le le tshepišitšwego bakeng sa lebaka le. Ge Jesu a etla, O tla no ba tlwa se Lentšu le rilego Le tla ba ka go lebaka le.

¹⁴⁸ Seo ke se Eliya a bilego ka go lebaka la gagwe. Seo ke se Moshe a bilego ka go lebaka la gagwe. Seo ke se Noage a bilego ka go lebaka la gagwe. Seo ke se, mogohle, moprofeta yo mongwe le yo mongwe a kilego a tla. Gomme le—le Lentšu, ge Le etla ka botlalo, Lentšu lohle la dirwa nama magareng ga rena, Le dirile feela tlwa se Le rilego Le tla se dira ka go lebaka leo.

¹⁴⁹ Ge Le etla lehono, O tla no ba tlwa Jesu Kriste a phelela tshepišo ya Gagwe ya se A tshepišitšego go se dira, feela bjalo ka Lentšu.

¹⁵⁰ O be a le Lentšu. Jesaya 9:6 ke Jesu Kriste. Gomme ge Le dirilwe nama le go dula magareng ga rena, Le phetše feela tlwa se Le se dirilego. Moshe o boletše godimo kua, ka go Puku ya Ekisodo, “Morena Modimo wa lena,” goba Doiteronomio, “Morena Modimo wa lena o tla tsoša moprofeta, wa go swana le nna; gomme go tla direga, mang kapa mang a ka se Mo kwego, o tla kgaolwa go tloga magareng ga ba—ba batho.” Gomme ge A etla, O dirile feela tlwa se Lentšu le rilego O tla se dira. Gomme ba hweditše phošo le Yena, ka gobane ditshepedišo tša bona di

be di Le kgaotše go tloga le go dira Lentšu la Modimo go hloka maatla go bona. Le a bona? Ga se ba kgone go dumela dilo tše bjalo ka Tšela. Ba be ba sa kgone go dumela mohuta woo wa dilo, ka gore di fetilwe ke nako, ba naganne. Oo!

¹⁵¹ Ka gore, O netefaditše Lentšu la Gagwe go swana. O tla hlatsela Lentšu lehono, bjalo ka ge A Le hlatseditše nako yeo. O tla sola, ka bogale, tshepedišo ye nngwe le ye nngwe ya kerekeleina ka lefaseng, ge A ka tla lefaseng lehono. Seo ke se A se dirilego, lefelo la pele. Seo e tla ba selo se A bego a tla se itia. Seo ke tlwa se A se bethilego ge A etla lefelo la pele. Bjalo ka ge A dirile nako yela, kafao ba tla dira sebakeng sa nako ye, le bona. Gomme O dirile nako yeo, ka gore ga A ke a fetola Lentšu la Gagwe. Yena ga a tsoge a fetola tshepedišo ya Gagwe. Ka mehla go a swana, Ke Lentšu le le tloditšwego nako ye nngwe le ye nngwe, la lebaka. Yeo ke mnete.

¹⁵² Kafao gape, bjalo ka ge re e hwetša lehono, ge A etla, Dipolane tša Gagwe go swarelela lefase mmogo di tla ganwa feela boka go bile nako yela.

¹⁵³ Eupša theetšang, go tswaleleng, ke nyaka go bolela se. Ga re tshepišwe tshepedišo, ga re tshepišwe kerekeleina, kerekeleina ya godimodimo, polane ya mohuta wo mongwe. Eupša re tshepišitše Mmušo, Mmušo wa ka Gosafelego. Amene. Seo ke se re se tshepišitšwego, go ba le Bophelo bjo Bosafelego ka go Mmušo wo wa Gosafelego. Gomme Mmušo o laolwa ke Kgoši ya ka Gosafelego, Lentšu la Gagwe la ka Gosafelego le filwego batho ba Gagwe bao ba nago le Bophelo bjo Bosafelego. Gomme batho ba Bophelo bjo Bosafelego ga ba keteket godimo ga dilo tša lefase, eupša go ngwadilwe, gore, “Motho o tla phela ka Lentšu le lengwe le le lengwe leo le tšwago molomong wa Modimo.” Kafao ge bobedi bjale re... Re amogela Mmušo wo, gomme re hwetša gore, “Bobedi legodimo le lefase di tla feta, eupša Lentšu le le ka se tsoge la feta.” Gomme Lentšu le ke Mmušo. Yo ke Kgoši le Mmušo, Tshepedišo, Bophelo, ke nthatana ye nngwe le ye nngwe thwi ka Fa.

¹⁵⁴ Ge Modimo a ahlola lefase la Gagwe ka kereke, ke kereke efe A yago go le ahlola ka yona? Ke tše kae di lego fao? Makgolo le makgolo le makgolo a dikerekemaina tša go fapano. Ge Katoliki e reresha, ke Katoliki efe? Ge eba Katoliki ya Gerike e reresha, gona ya Roma e fošagetše. Ge eba ya Roma e reresha, ya Gerike e fošagetše. Kafao, le a bona, ge Methodist e reresha, Baptist e fošagetše. Ge Baptist e reresha, mo-mo Pentecostal e fošagetše. Ge Pentecostal e reresha, gona Presbyterian e fošagetše. Le a bona? Kafao bohole le tla hlakahlakana kudu.

¹⁵⁵ Eupša Modimo ga se a re tlogela ntle le hlatse ye e itšego goba e ka ba sefe—e ka ba sefe—e ka ba sefe sekao seo re swanetšego go ema ka sona. Leo ke Lentšu le! O rile, “A nke lentšu la motho yo

mongwe le yo mongwe e be maaka, gomme la Ka e be Therešo.” Yeo ke nnete.

¹⁵⁶ Ka gore, “Bobedi magodimo le lefase di tla feta.” Re a botšwa mo, gore, “Re amogela Mmušo wo o ka se kgonego go šuthišwa.” Ee, mohlomphegi. Ge mebušo ye yohle ya lefase e ewa bjale, gomme lefase ka moka le šwalalana, efela re kolobeletšwa ka Mmušong wo o sa kgonego go šuthišwa. Amene. Re amogela Mmušo. Kafao, ge lefase le šwalalana, re tswalelwā ka go Mmušo wo woo o sa kgonego go šwalalana. Ke Lentšu la Modimo la ka Gosafelego, gomme re ema godimo ga leo. Le ka se tsoge la šwalalana.

¹⁵⁷ Re kwa kudu ka tshepedišo ye mpsha ye e yago go tliša, tshepedišo ya bodumedi, le a tseba, go ya go tliša khutšo godimo ga lefase, ge Katoliki le Maprotestant ohle ba kopana mmogo. Ba bangwe ba bona ba dumela go phodišo ye Kgethwa, ba bangwe ga ba dumele, gomme ba bangwe ba dumela *se*, gomme ba bangwe ba dumela *sela*. Gomme o swanetše go lahlegelwa ke dikgogakgogano tše kgolo tša gago o bego o ngangana ka tšona nako yohle, tumelo ya gago ya boebangedi, go tsena ka Lekgotleng la Lefase. Gomme kerekeleina ye nngwe le ye nngwe e tla swanela go tla ka fale. Kafao, ge kerekeleina e rogakilwe, gomme go ba wa yona, go dira eng? Go le lahlela thwi morago. Ge Roma e le mmago kerekeleina, gomme ke sebata le leswao la sebata, gona ba dirile seswantšho go sona, khansele, dikereke tšohle mmogo di dira seswantšho go sebata, kafao thwi ka go otloga morago go leswao la sebata gape! Tshepedišo ya lefase, bokerekeleina, bo tlišitše tshepedišo go tliša leswao la sebata.

¹⁵⁸ Gomme le e bona gape ka mo ke e bonago, gore thwi bjale e ya go gapeletšwa, gore, bao ba se go ka go yela šetše ba beilwe lenaneong, motšhene wo mogolo o dutše fale; dikgerekgere di fao di letetše Sathane go tsena ka go yona, le maatlatshepedišo. Le a bona? Gomme, ge e dira, ga go motho yo a ka kgonago go rera Ebangedi, ga go motho, ntle le go ba wa tshepedišo ye. Šeleo leswao la sebata. Gomme elelwang, ka nako yeo, Monyalwa o ile, ka fao le bona ka fao e lego kgauswi. Go lokile, kafao le bona moo re lego.

¹⁵⁹ Le ka kgonago bona eng: kgoswane ye kgolo ye, dilo tše ba yago pele mabapi le tšona. “Oo, phafogang, lena bakgethwa ba Morena, gobaneng le thibama ge bofelo bo batamela?” Gobaneng le e dira? Nako ye nngwe o dira sebe letšatšing la gago la mogau. O se ke wa tsoge wa dira seo. Ee, mohlomphegi.

¹⁶⁰ Bjale, tshepedišo ye e ka se tliša khutšo ya lefase. Ge yeo e ka tliša e ka ba khutšo ya lefase, go diregile eng go Mokgoma wa Khutšo yoo a bilego Lentšu? Ke molwalekriste ka go thuto ya yona. E kgahlanong tlwa le se Modimo a se emetšego, se A re boditšego. “Maswao a a tla latela bona ba ba dumelago,” ba dumela gore ke ditšiebadimo. Ditiro 2:38 ke selo se sengwe, go

bona, ga ba tsebe selo ka yona. Lentšu lohle, le go ya pele, ga ba tsebe selo ka Leo, gomme ba a Le gana. Go phethagatša tlwa se moprofeta a se boletšego ka go Timotheo wa Bobedi, tema ya 3, “Ba tla ba hlogothata, monagano wa godimo, ba na le sebopego sa bomodimo, gomme ba tla gana Maatla a bjona, ka matšatšing a mafelelo.”

¹⁶¹ Tshepedišo yela ya kerekeleina ke leswao la sebata. Le tsebile. Ge le se la ke la nkwa ke e bolela pele, ke ka baka leo ke e gohlilego thata bjalo. Gobane bjale ke nagana nako e kgauswi le go fela, kafao bokaone a nke go tle pele le go bolela Therešo ka yona. Šole yena. Seo ke go swaya ga sebata, tlwa. Roma e be e le sebata, gomme o be a le kerekeleina, mokgatlo wa mathomo.

¹⁶² Gomme re tšwa go yena, rena batho ba Pentecostal, go se be batšeakarolo ba yona; gomme ra retologela thwi morago, “bjalo ka mpša go mahlatša a yona, le kolobe go leraga la yona,” thwi morago ka gare. Ga go makatše tshepedišo ya rena ya Pentecostal e fedile, gomme go bjalo le ya Methodist, ya Baptist, Khansele ya Dikereke tša Lefase, le tšohle! Ba metšwa ka go Khantshele ya Dikereke, ba dira leswao goba—goba seswantšho sa sebata, go se fa maatla a sona. “Gomme e bile le hlogo e gobaditšwe go iša lehung, gomme morago ya phela,” Roma ya bohetene go Roma ya bomopapa. Oo, nna, Maprotestant a bile go foufala gakaakang! Gomme ke lena ba, gonabjale le dutše thwi ka bogareng bja yona. Gomme ga go selo o ka kgonago go se dira bjale. Tshepedišo šetše e bopilwe. Ba tla e tšea gomme ga ba tsebe ba e tšere. Ba tla no ba ka fale, ke phetho. Ba ka se kgone go tšwa go yona. E šetše e dirilwe.

¹⁶³ Ga se selo go batho, go le bjalo. E rerilwe. Elelwang, Modimo o fa bohlatse bja yona, o e hlatseditše ka Lentšu la Gagwe. Dilo tše A boletšego gore O tla di dira, O e dirile feela tlwa. Ka fao, ga e na le maitshwareletšo. Ee.

¹⁶⁴ Ke dikgerekgere tša maaka. E tlišitše dilo feela tlwa se Jesu a se dirilego, “Lena ka ditšo tša lena le dirile Lentšu la Modimo go hloka maatla.” Go ganeng Lentšu lela la therešo, ba morago thwi ka go selo sa go swana gape, dithuto tša bona le selo sa go swana boka ba be ba le mathomong, gomme, seo kgahlanong le Kriste, ba ruta Lentšu go badumedi ka go lebaka le gomme ba ba botša go—go gana le go retologela fase.

¹⁶⁵ Ge Modimo a dirile Lentšu la Gagwe nama magareng ga batho ba Gagwe, ka go lebaka la Jesu Kriste, ka go Krisemose ya mathomo, ke eng se mesepelo ya Bafarasei le tšona tšohle dikerekemaina di se dirilego? A re, “Ebile o se ye go e tee ya dikopano. Ge o dira, o tla kgaolwa ge o e dira.”

¹⁶⁶ A ga le bone ka fao dilo di bušeleditšwego thwi morago gape? “Monna yo ke mang? O tšwa go sekolo sefe? O na le karata efe ya kopanelo? O na le sehlopha sefe? Monna yo o tšwa kae?” Bjalo ka ge, A etla lehono boka A dirile nako yela. “Re ka se be le

Monna yo go buša godimo ga rena. Re ka se be le yo mongwe a re botšago gore re dire eng. Ke rena Oneness. Ke rena Mathreeness. Ke rena Mapresbyterian. Ke rena *se*. Ga ra swanelo go šomišana le Lona!"

¹⁶⁷ Ke a tseba ga le dire, eupša e tla ba gore o tše Lentšu goba o senyege! Yeo ke phetho. Ga go tsela ye nngwe eupša Leo, eupša Leo ke le le re swerego mmogo. Mmušo wa Modimo ga se mmušo wa le, ga se wona, Mmušo wa Modimo ga se tshepedišo ya lefase le. Jesu o boletše bjalo. Jesu o rile, "Mmušo wa Ka ga se wa lefase le. Ge nkabe o bile, baemedi ba Ka ba be ba tla lwa." Yena ke Lentšu.

¹⁶⁸ Re bjalo ka Abraham. Abraham o amogetše Lentšu. Gomme eng kapa eng e bego e le kgahlanong le Lentšu, o e biditše mo o ka rego e be e se. Gomme ngwana e ka ba ofe wa therešo a tswetšwego ke Modimo o amogela Lentšu la Modimo, gomme, ga ke tshwenyege seo yo mongwe a se bolelago, seo tshepedišo e se bolelago kgahlanong le Lentšu leo, Lentšu ke therešo, go le bjalo.

¹⁶⁹ Modimo o tlamegile go kopana le wena mo motheong wa tšona ditshepišo. Ka ntle ga tšona ditshepišo, A ka se kgone go kopana le wena, gobane o šetše o ikgaotše go tloga go Yena. Ke ka lebaka leo lefase la rena le šwalalanago. Go tswaleleng, re ka bolela se.

¹⁷⁰ Eng kapa eng e lego kgahlanong le Lona, ke o ka re se be se gona. Tshepedišo ye bjalo ya madirwakemotho, ga re tsoge ra lebelela yeo. Aowa, mohlomphegi. Ka gona go kolobeletšwa ka Mmušong wo, bjale re dutše ka mafelong a Magodimong ka go Kriste Jesu, oo, nna, le Kgoši ya rena ye e tloditšwego le rena; re keteka Mmušong wa Gagwe, Lentšu le le tshepišitšwego le go hlatselwa thwi magareng ga rena. Amene. Fše! Šeo yona, tshepišo ya Mmušo wa Gagwe e dirilwe thwi pele ga rena, ga se gona se ka go retollago go tloga go Lona. Aowa, mohlomphegi.

¹⁷¹ Abraham, le ge mosadi wa gagwe a tšofetše, gomme yena a tšofala nako yohle, ga se go mo tshwenye nthatana. Ga se nke a thetherega go tshepišo ya Modimo, ka gosedumele. Ga go kgathale o bolela bontši gakaakang, "Ga go kgonege. A ka se kgone go feta le yona," o dutše le Lona, golebjalo. Gobane gobaneng? Kgoši o be a ne yena, a mmontšha dipono le go mmontšha se se bego se tla direga, gomme se diregile feela boka A boletše, gomme o tsebile yoo e be e le Modimo.

¹⁷² Gomme ge Modimo a dira tshepišo gomme le a e bona, gomme O a e bolela gomme ya direga, le go e bolela gomme ya direga, le go bolela, e a direga, gomme ga se ya tsoge ya palelwaa, ke Modimo wa letšatši. Oo, go keteka ka ditshepišo tše tša Legodimong tša Lentšu la Gagwe le le tshepišitšwego bakeng sa lebaka le, oo, go tseba, ka netefatšo ya gomangkanna ya tumelo, gore fao go tla magodimo a maswa le lefase le leswa. Amene. "Legodimo le leswa le lefase le leswa, ka gore legodimo

le la pele le lefase la pele di tla feta.” Eupša ka go legodimo le leswa le lefase le leswa, Paulo o boletše godimo mo ka go Puku ya Bahebere, masomepedi- . . . 14:25, o rile, “Ka gore re amogela Mmušo wo o sa kgonego go šuthišwa.” Re tsene bjang ka go ona? E sego ka tshepedišo ya bodumedi; eupša, Mmušo wa Modimo o ka gare ga lena. Mmušo! Kgoši le Lentšu la Gagwe ba a swana, gomme Le ka gare ga lena, go hlatsela iri ye bjale re phelago ka go yona. Tshepišo yeo Modimo a e diretšego lebaka le, ke renaba, re phela le Kgoši, re dutše ka mafelong a Magodimong, re Mo lebeletše a dira dilo tše.

¹⁷³ Gomme re ka kgona bjang go retologa go tloga go Lentšu lela, go ya go tshepedišo ye nngwe? E dira eng? E gana Lentšu. O swanetše go amogela go gana Therešo, pele o ka ba le phošo. Yeo ke nnete tlwa. A le dumela seo? [Phuthego e re, “Amene.”—Mor.]

¹⁷⁴ Iri ye re phelago ka go yona, O Modimo, lefase le a šwalalana! Fale go lekeletše ka mafelong, dipomo, fale go lekeletše selo go dira feela tlwa.

¹⁷⁵ Kereke e komana. O tswaleletše ka gare, o komana go tla. Go tla ba le tšhologelontle ye kgolo ya Moya, ee, mohlomphegi, go swara Kereke yela le go Mo tseela ka lefaufaung. Tlwa. Ka gore, le a bona, Kereke, Lentšu, Monyalwa . . . Gomme, Kriste, bodiredi bja Gagwe bo ka go Monyalwa wa Gagwe, e lego Mmele wa Gagwe, Mmele wa legodimo, goba ke ra go re, mme—mme Mmele wa kagodimogathago wa Gagwe mo godimo ga mmele wa semoya lefaseng, Moya wa Gagwe o ka kua o phela Bophelo bja Gagwe thwi, go fihla Yena le Kereke ba eba batee ka lenyalong. Le a bona, ba bile batee. O a ba tšeа, feela bonnyane gannyane mo matšatšing a mafelelo.

¹⁷⁶ Gomme gona dikgarebe tšela tšohle tšeо di robetšego, tlase go kgabola lebaka, tšona tšohle di tsogile, le a bona. Bjale, yeo ke go tiišo ya bošupa, lebaka la kereke ya bošupa, la mafelelo, nako ya bofelo, Laodikia, mafelelong, ge feela sehlopha se sennyane sa bona se ile ka gare. Eupša, e tliša tsogo yohle ya bale bohle ba ba hwetšego ka go mabaka a bona, go pheleleng Lentšu lela leo le hlomilwego ke Modimo gomme la rerwa go direga mo letšatšing leo, ge re ile go kgabola mabaka ale a kereke le go bona tlwa Lentšu leo le tla kopanago le bona ka nako yeo; ka fao Luther a emeletšego, ka fao re hwetšago ntle, go lebaka la Luther, go ile pele sebata bjalo ka sefahlego sa motho godimo ga sona, gomme se ile pele, e bego e le “mompshafatši,” go rago *motho*. Gomme, ge, mabaka ohle, le lengwe le le lengwe le kopane feela tlwa go dinyakwa tša Lentšu la Modimo.

¹⁷⁷ Gomme go tla ba bjalo lebaka le le kopana tlwa go leswao le matete le selo seo Modimo a tshepištšego go se dira mo matšatšing a mafelelo. Gomme Kereke ka Boyona e tla ba komana gomme e tla ya ka go Tthatlogo le Jesu, gobane, “Re amogela Mmušo woo o ka se šikinywego. E ka se kgone go

šuthišwa. Magodimo le lefase di tla feta, eupša Mmušo wo o ka se tsoge wa feta.” Amene. Ke thakgetše go ba, bošegong bjo, amene, bošegong bjo, ka Mmušong wola. A ga la thaba go ba ka go Wona? [Phuthego e re, “Amene.”—Mor.] Oo, nna, go ba ka Mmušong, Woo!

¹⁷⁸ E no nagana, o ka kguna go tshepiša eng wenamong lehono? Ka go ye nngwe ye lesome go ya go mengwaga ye lesometlhano, ge lefase le ka ema, ge le ka emela seo, monna yo mongwe le yo mongwe ka Shreveport, mosadi yo mongwe le yo mongwe, o tla swanela go rwala sethunya, mo mokgotheng, le wena, ka potleng ya gago, go itšhireletša wenamong. Dihlakanahlogo! O ya go e thibela bjang? E leke. Gabotse, ka moka . . .

¹⁷⁹ Ke be ke le ka New York, beke ye nngwe. Gomme ke ile tlase go kgabola fale, lebaka la dimaele, go be go se selo eupša dihlakanahlogo tše tša batšwamahlalagading ka mangina tsebeng ya bona, le moriri wa go tatagana, ba apere kaparakatšwara, gomme basetsana ka dipikini tše nnyane, ba e biditše, godimo ka mokgwa woo, ntle mo mokgotheng. Gomme setšhaba se swanetše go ba fa tokelo ya tsela. Oo, bothata ke eng ka naga ye? Ke ka gobane ke le—le leswao la go bola ga maitshwaro, setšhaba se se gannego Modimo. Ke phetho.

¹⁸⁰ O ka kguna bjang go aga godimo ga melora ya marope a mangwe ka mokgwa woo? O ya go e dira bjang, ge dihlakanahlogo di sepela mokgotheng le go thunya yena Mopresidente thwi go tšwa koloing ya gagwe?

¹⁸¹ Gomme bošegong bjo bongwe, monna wa sepotong, godimo bakeng sa maleatlana le se sengwe le se sengwe, o nno sepelela thwi ka gare le go taboga pele ga sephodisa sa Texas ka lekgolo le metšo ba eme fale, a sepelela thwi ka gare; gomme yo mongwe le yo mongwe a mo lebeletše, o gogetše sethunya sa gagwe ntle le go thunya monna ka polao ya pelompe, gomme a sepela. O tla phophotha “bogaswi,” gomme a lokollwa.

¹⁸² Thwi ka toroponkgolo ya rena, monna o ile thwi ka karatšheng, letšatši le lengwe, ka segongwana se sennyane, gomme o tšere mo—mo—mo monna yoo a bego a le mo—mo morekiši wa koloi. O be a sa mo rate, gomme o ile a no gogela sethunya ntle le go mo thunya, makga a mane goba a mahlano. Gomme o rile o be a gafa; ba mo lesitše. Ge e le “bogafa” bo phophothilwe legatong la monna yola, gona Oswald le yena o bile le sebaka, o swanetše go ba a bile le sebaka sa go phophotha go gafa.

¹⁸³ Ke eng, go le bjalo? Le bona mo e lego, selo ka moka ke sehlopha se segolo sa tshenyego! Selo ka moka se molato, gomme lefase ka moka le ema molato, gomme kereke e eme molato pele ga Modimo. Amene. Ga go makatše re a šwalalana!

A re rapeleng.

¹⁸⁴ Morena Modimo, ke rena ba. Iri e mo, Tate. Go ka no ba thari go feta re nagana. Mohlomongwe go bola go thomile bjalo, gomme bojane bo be bo eja, le phatakalala, go fihla Bophelo bjohle bo ile. Ke rapela Wena, Morena, go ba le kgaogelo. Efa, Morena, ge go na le monna goba mosadi, mošemane goba mosetsana, ka Bogoneng bjale, yo a sa Go tsebego, gore ba tla Go amogela feela bjale, Tate. E ka no ba leina la mafelelo le le tla tsogego la ya godimo ga Puku, go tšwa Shreveport.

¹⁸⁵ Gomme ge re sa na le dihlogo tša rena di kobilwe. A motho yola o mo a ka phagamišetšago seatla sa gago godimo, a re, “Ngwanešu Branham, ke kgodišegile ka go tsenelela gore se o se boletšego ke nnete. Lefase le a šwalalana, gomme re amogela Mmušo woo o sa kgonego go šwalalana. Gomme, ge e le nna, ga ke na le nnete ge eba ke ka Mmušong wola, goba aowa.”

¹⁸⁶ O se ithekge godimo ga ge eba o bile le mohuta tsoko wa maitirišo a maikutlo. O se ithekge godimo ga ge eba o boletše ka maleme. Ke dumela go dilo tšela. Kgonthé, ke dumela go go boleleng ka maleme. Eupša ke kwele bodiabolo ba bolela ka maleme le go fa tlathollo go yona, ba ngwala ka maleme a go se tsebje, baloi, le a bona. O ka se kgone go ya go feta seo.

¹⁸⁷ Eupša ge Bophelo bja Jesu Kriste bo le ka go wena, Bo tla iphela ka Bobjona, go dumela Lentšu le lengwe le le lengwe la Modimo. Ka gore, A ka se kgone go ikgana ka Boyena, ke Yena Lentšu.

¹⁸⁸ Bjale, ge A le Lentšu, gomme O ka go lena, gomme gona le re, “Gabotse, Ngwanešu Branham, ke a go botša, ke no se kgone go tšea Leo. Ga ke dumele Le, dilo tše ke tša letšatši le,” gomme mo Le tshepišitšwe go letšatši le, oo, ngwanešu wa ka, o forilwe. Moya wo mongwe o tlile godimo ga gago le go go fora.

¹⁸⁹ Mohumagadi, ge wena, goba monna, goba e ka ba mang o lego yena, ge dilo tše e le tša kgonthé kudu, tša kgonthé ka go Lentšu, gore Jesu Kriste o di hwetše; e sego go no ba le kereke goba go ba le sehlopha sa maikutlo, eupša go ba le sehlopha se se nago Moya wa Gagwe, o phela ka go Yena; Monyalwa wa Gagwe, Lentšu la Gagwe le ka kua, Lentšu le lengwe le le lengwe ke therešo. Gomme o a tseba ga Le šome ka wena ka tsela yeo, o a tseba go na le dilo, ka Beibeleng, tše o no se kgonego go di dumela go ba bjalo; gomme o nyaka go gopolwa ka thapelong? Bjale ka leihlo le lengwe le le lengwe le tswaletšwe, hlogo ye nngwe le ye nngwe e inamišitšwe, ke a makala, ge eba go iri ye ya thari ge...

¹⁹⁰ Go ka no ba gabotse go fetile nako ya maikutlo, le a bona, gobane go tla tla nako boka yeo ge Moya wa Modimo o tla tlošwa lefaseng, go ka se sa ba. Kereke e tla dula lebakana, yeo ke nnete, e rera, gobane e swanetše go rerela balahlegi ba ka Gosafelego, feela bjalo ka ge bodiredi bjo bongwe le bjo bongwe bo dirile, go tla tlase go kgabola lebaka. Karolo ya mafelelo ya bodiredi

bjo bongwe le bjo bongwe e reretšwego balahlegi ba Gosafelego. Gomme go tla ba bodiredi bjale bjoo bo tla go rerelwa balahlegi ba ka Gosafelego morago ga ge ba ganne go Le amogela.

¹⁹¹ Eupša ge go sa bonala e ke go ba tlhase ka pelong ya gago, gore o rata go ba le Kriste ka go wena, gomme lefase lohle le hwile, a o ka phagamišetša seatla sa gago godimo, wa re, "Nkgopole ka thapelong, Ngwanešu Branham." Morena a le šegofatše. Ee, ee, diatla tše lesome goba lesometlhano. A go ka ba yo mongwe pele re rapela? Bjale re lokišetša go tswalela, ka e ka ba metsotso ye mebedi goba ye meraro. Modimo a go šegofatše, mohumagadi yo moswa.

¹⁹² E no nagana ka yona, naganang, naganang ka yona, go ka reng ge eba go tla ba thari kudu? Go ka reng ge o le motho wa mafelelo A tla tsogego a kokota mo lebating?

¹⁹³ O a šwalalana, re tseba seo. Le ka se dule fa, seo ke selo se tee kgonthe. Le ka se dule fa. O a ya. E no e maraka, o a ya. Gomme ge o . . .

¹⁹⁴ O se ke wa no itiriša. O se ke wa re, "Ke nna wa kereke." E ba le nnete ya Seo. Ge Kriste a sa go phele, ka go wena, go fihla o . . . monagano ohle wa gago, pelo, soulo, mmele.

¹⁹⁵ O, o re, "Gabotse, ke a nagana . . ." Ga o ne monagano wo o ttago, ngwanešu. A nke monagano woo o bego o le ka go Kriste o be ka go lena! "Ke nagana matšatši a swanetše go ba . . . Ke nagana se se swanetše go ba. Ke nagana gore Lentšu ga le re se." Ga re na le kgopoloye e ttago.

¹⁹⁶ Ge monagano wa Kriste o le ka go rena, gona re tla lemoga Lentšu leo go ba Therešo, gomme O phela thwi ka rena. O ka se kgone go e thuša, Ke Kriste!

¹⁹⁷ Tšeabophelo go tšwa go mobeine wa legapu gomme o bo bee ka go mobeine lefodi, o tla enywa magapu. O ka se kgone go e thibela go yona, gobane bophelo ka go yona ke lona.

¹⁹⁸ Gomme ge—gomme ge o re, "Gabotse, ga ke dumele Leo, le—le Lentšu mo," gona woo ga se Moya wa Kriste. Le a bona, go na le moyo wo mongwe ka go wena.

¹⁹⁹ A go na le yo mongwe pele re rapela? Modimo a go šegofatše. Modimo a go šegofatše, le wena, wena. Ee, seo se lokile. Bjale, yo mongwe gape, feela nakwana bjale. Modimo a go šegofatše, moisa yo moswa. Wena, mohumagadi yo monnyane. Wena, kgaetšedi. Modimo a go šegofatše, le wena. Go lokile, a fao go na le yo mongwe? Modimo a go šegofatše, morago kua.

²⁰⁰ Le se boife bjale. Le se ke la lewa ke dihlong bjale. Bosasa bošego go ka no ba go be go le thari kudu. Le a bona? Go ka no ba bošegong bjo pelo yela e ema go rethetha. Go ka no ba bošegong bjo o Le ganne, nako ya gago ya mafelelo.

²⁰¹ Ke ba bakae ka fa ba se nago kolobetšo ya Moya wo Mokgethwa, phagamišang diatla tša lena, le a tseba gore—gore

ga le na Wona? Nna! Ke ka tsela ye le yago ka gare. Moya wo Mokgethwa ke Kriste. Ke ka mokgwa wo le tswaleletšwego ka Mmušong, Baefeso 4:30, “Le se ke la nyamiša Moya wo Mokgethwa wa Modimo, wo le tswaletšwego ka wona go fihla letšatšing la topollo ya lena.” Gomme ge o—gomme ge o na le dikgopololo tša Beibele ye, gore Ga se therešo, gona moyo ka go wena ga se Kriste, gobane Kriste ke Lentšu.

²⁰² Go na le Mmušo wo o ka se kgonego go šuthišwa, woo ke Lentšu. Woo ke Mmušo wo o sa kgonego go šuthišwa. “Magodimo le lefase di tla feta, eupša Lentšu la Ka le ka se ke.” Ge Lentšu le le ka go lena! “Ge le dula ka go Nna, gomme Lentšu la Ka ka go lena; kgopelang se le se ratago, le tla direlwa. Mediro ye Ke e dirago,” Mokgethwa Johane 12, 14, “mediro ye Ke e dirago, le tla e dira le lena; ebile le go feta ye, gobane Ke ya go Tate. Efela lebakana le lennyane, gomme lefase ga le sa Mpona gape; efela lena le tla Mpona, gobane Ke tla ba le lena, ebile le ka go lena, go fihla bofelong bja lefase.”

²⁰³ Šetšang se mediro ya Gagwe e bilego, bonang ge eba e boile go rena mo matšatšing a mafelelo. A ba Le ganne? Lefase ka bophara! Gomme lefase le a šwalalana gape, Krisemoseng ye, boka go bile Krisemoseng yela.

²⁰⁴ Tate wa rena wa Magodimong, go bile le diatla tše dintši di ilego godimo fa bošegong bjo, mohlomongwe masometharo goba masomenne, ka go sehlopha se sennyane se sa batho, ba ile godimo bošegong bjo, gore ba tsebile ba be ba no se be fao ba swanetšego go ba. Ba tsebile gore ga se O dule ka go bona, ka Kelo. Ba bangwe, mohlomongwe se sengwe ka Beibeleng, ba re, “Ke no . . . Ke—ke—ke a Le amogela gobane ke—ke no nagana mohlomongwe ke swanetše.”

²⁰⁵ Eupša, Morena, O tshepišitše gore O tla ba Lentšu, gomme O Lentšu. “Gomme Ke tla tla go lena, le go itira ka Bonna go tsebjia go lena.” Re hwetša gore ditshepedišo tša Gago, tshepedišo ya Gago, ga e tsoge ya fetoga.

²⁰⁶ Ge O etla ka go Testamente ya Kgale, O rile, “Lentšu le tlide go baprofeta.” Gomme ge Le dirile, ba profetile gomme Le tla go phethega, ka baka la gore Le be le le Modimo.

²⁰⁷ Bjale re lemoga gore ge O re romile, le go re laela go ya ka lefaseng lohle le go dira barutiwa, gomme O rile, “Ge Yena Moya wo Mokgethwa a tlide godimo ga lena, O tla tliša dilo tše tše Ke le rutilego tšona, ka go kelello ya lena.” Seo ke, gape! “Gomme o tla le bontšha dilo tše di tlago.” Go le bjalo! “Modimo, mehleng ya kgale le ka mekgwa ye mentši o boletše le botate ka baprofeta; ka go matšatši a a mafelelo ka Morwa wa Gagwe, Kriste Jesu.” Moya wo Mokgethwa ka Bowona, o a tla, Moutolli wa Lentšu le le ngwadilwego, le Mmontšhi wa dilo tše di tlago! Le rile, “Lentšu la Modimo,” ka go Bahebere 4, “ke le bogalegale go feta tšoša ya magalemabedi, Mohlathi wa dikgopololo tše di lego ka pelong.”

²⁰⁸ Gomme motho wa modiradibe le kereke, lehono, a ka dula le go Go bona o dira selo sa go swana, le go Le bitša moyo wo *mobe*, go no swana le ge ba dirile ka matšatšing a a fetilego. “Ge ba bitša Mong wa ngwako ‘Beletsebubu,’” gomme re a e bona.

²⁰⁹ Morena, Modimo, ke eng go fetiša re ka kgonago go se dira bjale? Fao go na le dipelo tše di swerwego ke tlala mo tše di phagamišitšego diatla tša bona. Ba tsee gonabjale, Morena, tlatša pelo ye nngwe le ye nngwe ka lerato la Gago. E fe.

²¹⁰ Gomme ge re sa na le dihlogo tša rena di kobilwe. Ge lena bao le phagamišitšego diatla tša lena le ka rata go tla go dikologa sefala fa, le se—le se e time, le a bona. Feela nakwana ye ya go latela bjale, e no tla thwi godimo, ka pela ka kgonthé, gomme o tle fa, o no ema. Bjo e ka no ba bošego bjo o amogelago Moya wo Mokgethwa.

²¹¹ Bagwera, lebelelang, se ga se ye go tšeа nako yohle. Ke, e ya go fela. E a feleta gonabjale, gomme e ka no be e šetše e fedile. Eupša ge feela o leka go hlologela go tla go Kriste, gona ka kgonthé go ne se sengwe fale, efela, se go gogela tseleng yela.

²¹² A o ka se tle bjale gomme wa ema thwi mo bakeng sa thapelo? Lena ba le hlologelago go, le tla sepela thwi godimo go dikologa aletara, nakwana feela, ge re sa inamišitše dihlogo tša rena. Bjale batho ba tla thwi godimo. Yeo ke nneta, etlang thwi godimo go dikologa aletara. O re, “Lefase le a šwalalana, ga ke nyake lefase ka go nna. Ke nyaka Mmušo ka go nna, woo o sa kgonego go šwalalana.”

²¹³ Jesu o rile, “Ga go selo se tla lahlegago. Ke tla se tsoša gape ka matšatšing a mafelelo. Ee, Ke tla se tsoša.” O tshepišitše, kafao le ka se kgone go šwalalana. Modimo o ya go se tsoša. Ga ke tshwenyege gore ke eng, O ya go se tsoša.

²¹⁴ A le be le tseba gore ga go selo se ka kgonago go fedišwamoka ke motho? Ga go selo se ka kgonago go fedišwamoka. Le re, “Go reng ka mollo, ge o tšuma se sengwe?” Ga o se fedišemoka. E no ba diathomo ka kua di phatlola dikhemikhale tšeо go arogana, gomme o hwetša phišo go tšwa go ona. Se ya thwi morago go seemo sa sona sa setlogo, ka tsela ye se bego se le mathomong; diesiti, digase, dietša, le go ya pele, bjalo ka ge go bile. O ka se kgone go fedišamoka selo. Ge—ge lefase le eme botelele go lekanelo, se ka no tla thwi morago go seripa se sengwe sa pampiri, goba mohlare wo mongwe, goba eng kapa eng o se tšhumago. Le a bona, o ka se kgone go se fedišamoka. Modimo o se dirile bjalo.

²¹⁵ Oo, o ka se kgone go fedišamoka tlholo ya Modimo, yeo ke nnete tlwa, kafao ke bontši gakaakang A ka kgonago go tsoša selo se A se tshepišitšego!

²¹⁶ A o ka se tle? A go tla ba le ba bangwe gape bjale? Go ne sehlopha se sennyane fa, e sego seripa sa se se swerego diatla

tša bona godimo. Ke naganne ka kgonthe le be le e ra ge le phagamišitše diatla tša lena, gagolo go Molaetša boka woo.

²¹⁷ Ke ba bakae ba lena ka fa, bjale ka dihlogo tša lena di inamišitšwe, le tseba se, gore le bone Modimo a boloka tshepišo ya Gagwe, thwi fa go kgabaganya sefala se, le go tseba diphiri tša pelo? Tee, ga go nako e tee A kilego a bolela e ka ba eng eupša se se diregilego. Le a tseba seo ke therešo. Ka dikopanong, mogohle, feela tlwa se Jesu Kriste a se dirilego ge A be a le mo lefaseng, O se dirile gape. Le tseba seo. Le lemoga seo. Ke be ke nagana ka phodišo ya Gagwe.

²¹⁸ Dibeke tše pedi tša go feta, pele ke eya New York, go bile le mohumagadi a tsena ka kankere mo mogolong. Moya wo Mokgethwa o boletše le yena, ka kopanong. O be a le mo, Lamorena, ka kankere ka seripa sa lešela, o be a e gohloletše ntle. Dingaka di se lebeletše, gomme ba rile, “Bophelo bo tšwile go kankere, gomme e tla go lokologa.” Gomme o e gohloletše ntle.

²¹⁹ Yo mongwe o bile le kankere ka go dithaka tša bosadi. Gomme o bile le yona thwi fale, ka seswantšho se se godišitšwego, ka setatamente sa ngaka le sona. O e ntšreditše ntle, matšatši a mabedi moragwana.

²²⁰ Moisa yo monnyane a eme fale, yoo a bego a se ne kelello, go tloga—go tloga dikgweding le dikgwedi le dikgwedi. O be a wele le go gobatša bomorago bja hlogo ya gagwe. Ebile o be a sa tsebe o be a le mang goba mo a bego a le gona. Ka feela lentšu la thapelo, le go bea diatla godimo ga gagwe, Ke rile, “Leina la gago o mang?”

O rile, “Billy Dukes.”

Ke rile, “O ne mengwaga ye mekae?”

O rile, “Bogolo bja mengwaga ye senyane.” O rile, “Ke go kae?”

²²¹ Maatla a Modimo! Ke duma ge nkabe le bile le nna ka Colorado, dibeke di se kae tša go feta, ge se sengwe se diregile seo se tla le šikinyago, go tseba se e bilego. Re mo nakong ya bofelo, mogwera.

Le se ke, le se ke la bea se botelele bjo bo itšego. Etlang. Ge go na le yo mongwe mo, tlaa godimo. A o ka dira? A o tla tla?

²²² Bjale, ge le sa tle, le a bona, nka—nka se kgone, nka—nka—nka—nka . . . Tšohle nka kgonago go di dira e no ba go le botša Therešo, le a bona, gona go tšwa go wena. Boka Noage, o tsene ka gare, areka e tswaletše ka morago ga gagwe, ga se gona se diregilego lebaka la nakwana; eupša lefase le hwile ka ntle, gomme lefase le ile thwi pele go phela feela go swana. Le a bona?

²²³ Pilato o ile pele thwi, morago ga ge a bapotše Jesu. Ke tla rera ka seo, mašegong a se makae, “madi diatleng tša gago,” Morena ge a rata.

Hlokomelang bjale, a fao go na le yo mongwe yo motee, pele re tswalela?

²²⁴ Bjale ke ya go kgopela basadi le banna ba kgonthe ba ikgafilego, ba ba tsebago Modimo, go tla fase le go ema mo le go bea diatla godimo ga batho ba. Ye e ka no ba nako ya mafelelo yeo ba tla tsogego ba ba le monyetla wo. Ba bangwe ba lena batho ba ba gafetšwego bao le tsebago Modimo, etlang godimo gomme le eme le batho ba. Ba na le dikarata tše pinki godimo ga bona, go nyakile yo mongwe le yo mongwe wa bona, seo se ra gore ke bona, ke basetsebje magareng ga lena. Ke nagana seo se lokile. Etlang, beang diatla tša lena go bona. Ba bangwe ba maloko a Life Tabernacle, etlang mo. Ba bangwe ba lena baena godimo mo le nyaka go tla? Etlang pele, ye ke iri. A ga le—a ga le rate se, batho? Nna! Phišegelo ya rena e kae? Se sengwe sa rena se re dirago go ya pele se kae? Bothata ke eng?

Bjale ge batheeletši ba ka leta feela nakwana, go thapelo ye.

²²⁵ Lena batho le emego fa, bjale lebelelang, le se ithekge godimo ga maikutlo tsoko, le ge e na le maikutlo go Yona. O se ithekge godimo ga ge eba o ya go bolela ka maleme, goba aowa. Se naganeng selo ka yona. Modimo o tla hlokomela seo, le a bona. O kgopela Jesu Kriste go tla ka bophelong bja gago le go phela Yenamong ka wena. Ga o nyake dikgopololo tše dintši tša gago mong. O nyaka menagano ya Gagwe. “A nke monagano wo o bego o le ka go Kriste o be ka go lena.” Oo, ye ke . . .

²²⁶ Se, gabotse, o no ya go kwa dilo tše lekga la mafelelo, gatee. Bjale lebelelang, ke nyaka batheeletši bohole go ema ka maoto a lena, ntle kua. Bjale, lena batho ba go ratega bao le tlago godimo fa bakeng sa kolobetšo ya Moya wo Mokgethwa, gosasa ke Ditebogo, ga go na go šoma gosasa. Ye ke soulo ya gago, ngwaneshu, kgaetsedi. Bjo ke boyo bja gago bja Gosafelego. Ye, e ka ba bjale goba go se tsoge go bile. Gomme ge feela o ikwela go gogwa gola go gotee go gonnnyane! Gomme e no nagana ka Ditherešo tše, di robetše thwi pele ga rena. Le se ke la hwa ka dilo tše, magagešo. Ke kgonthe. E netefaditšwe, ka kgonthe, go phethagala nako ye nngwe le ye nngwe. Gomme ke Lentšu, le tiišeditšwe!

²²⁷ Ke lebeletše monna a eme thwi fa. Ga ke kgone go nagana leina la gagwe. Ke a dumela ke Blair, Moruti Blair. Ge ke be ke le godimo ka Hot Springs, mo e sego telele go fetile, ke ile ka topa godimo ntle kua ka batheeletšing, monna yola a dutšego fale, gomme moyo wo mobe o be o leka go fihla go monna yola, go mo dira a mpelaele. Bjale šetšang se se diregilego. Ke rile, “O ka no hloka nako ye nngwe, o a bona.” E be e se eupša feela dibeke di se kae tša go feta go fihla mosadi wa gagwe a nteleditše, monna o be a ehwa. Le a bona?

²²⁸ Gomme monna a amogela, o tsebile nako yeo gore e be e le diabolo a leka go mo dira gore a dumele gore E be e le mohuta

wa bofora goba se sengwe. “Eupša o be a tla tseba seo bjang?” o naganne. Kafao gona o . . . Ka thapelo re rakile bobe go tloga go yena.

²²⁹ Gomme gona dibeke di se kae tša go feta, le a bona, Sathane o tsebile gore nako yela e be e etla, moo a bego a robetše fale ka go kokomoga lehlakoreng la gagwe, ke a dumela mosadimogatša wa gagwe o boletše, goba se sengwe, ka letadi, a hlakahlahkane ka hlogong ya gagwe; a sa tsebe se e bego e le, tshwaetšo tsoko ka lehlakoreng la gagwe, ya kokomoša lehlakore la gagwe. Gomme mosadimogatša wa gagwe yo monnyane o nteleditše ka Tucson. Ke rile, “Kgaetšedi, a o swere sakatuku?” Ke a dumela o be a na le se sengwe gape fao, sekhafo se sennyane goba se sengwe. Ke rile, “Ke—ke kgona go e bona. Tšea se gomme o se bee godimo ga Ngwanešu Blair, ka Leina la Morena Jesu.” Gomme o be a mo kgopetše go tla go bitša.

²³⁰ Go ka reng ge nkabe Sathane a atlegile le go mo dira gosedumele, le go tseba gore o be a le gona? A ka be a se a ema fa bošegong bjo le Beibele ya gagwe godimo ga pelo ya gagwe. Le a bona?

²³¹ Ke Sathane a leka go go dira o se dumele Le. Yeo ke nnete. O se e theetše. Elelwang, “Jesu Kriste o a swana maabane, lehono, le go ya go ile.” Le a bona, dilo tše di netefatšwa bjalo.

²³² Bjale a re nong bohole, lena mo aletareng, a re nong go phagamišetša diatla tša lena godimo, le go re, “Morena Jesu, nthuše gonabjale,” yo mongwe le yo mongwe a rapela.

²³³ Tate wa rena wa Legodimong, re kgobokane fa, O Modimo, ke gare ga lehu le bophelo, go batho ba ba emego mo. A nke Moya wo Mokgethwa o tle ka bophelong bja bona gonabjale. A nke fao go tle Maatla a Modimo, ao a ba tlišitše godimo go dikologa aletara ye, a nke O tle go bona ka tsogong ya Kriste, gomme o tla ba fa Bophelo bjo Bosafelego bjo bogolo bjoo ba bo nyakago. Morena, dikereke mogohle di a hwa, meetse a semoya a bonala go tlošwa lefaseng. Gomme ge go sa na le sebakabotse sa batho ba gore ba tle ka tlase ga Mothopo, efa, Morena, gore disoulo tša bona tša go oma, bošegong bjo, tše di swerwego ke tlala le go nyorelwa Modimo, di ke di tlatšwe ka Moya wo Mokgethwa gonabjale. E fe, Morena. A nke dikgaogelo tša Gago le mogau di be godimo ga bona.

²³⁴ Bjale e no—e no tšwelangpele hlogo ya lena . . . tšwelangpele go rapela, e nong go tšwelapele le rapela. Yo mongwe le yo mongwe, le a bona, e nong go tšwelapele le rapela. Ke a le rapediša. Ke tla dira tšohle nka kgonago, eupša nka se kgone go le fa Moya wo Mokgethwa. Modimo o swanetše go e dira. Lebelelang, go dira Kriste thwi pele ga lena, ka monaganong wa lena. Lebelela ntle kua gomme o bone ge eba o bona Kriste pele ga gago, ge o tswalela mahlo a gago. Gona sepelelang thwi ka go Yena, gomme o re, “Morena Jesu, ke nna yo. Wena le nna re

ya go ba batee, go tloga go se go ya pele. Ke tla tšea Lentšu le lengwe le le lengwe leo O mpoditšego bošegong bjo.” Bjale nno dulang fale, nno tšwelangpele le dutše, ge le ka šala bošegong bjo, gosasa, letšatši la go latela, feela dulang go fihlela go fedile, le rapela, le dumela gore Modimo o tla le tlatša ka kolobetšo ya Moya wo Mokgethwa.

²³⁵ Etla mo, Don, ba etepele ka thapelo. Modimo a go šegofatše, Don.



LEFASE LE A ŠWALALANA GAPE NST63-1127
(The World Is Again Falling Apart)

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Nofemere 27, 1963, ka Tabarenekeleng ya Life ka Shreveport, Louisiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org